

هي أبسط ما قد تراه عينك ليست جميلة الجميلات لا ترتدي أفخر الثياب ولكن ستجذب إليها بمجرد رؤيتها بلامحها البسيطة وحديثها المرتب

هو وسيم بدرجة كبيرة ولبق بدرجة أكبر ولكن ولكنك ستخافه وستسعى للهروب منه فصحبته ليست ممتعة دائماً

كيف سيلتقيان وماذا سوف يحدث دعونا نبدأ

الفصل الأول مقابلة عمل

منتصف الليل الثانية عشر مساءً إنها غالباً ما تكون مستغرقة في النوم في هذا التوقيت ولكن تلك الليلة كانت مختلفة هناك عمل جديد ينتظرها في اليوم التالي ستنتهي من محاضراتها في الرابعة تقريباً وسيأخذها الدكتور فؤاد لمقابلة الأسرة الدكتور فؤاد شخص طيب في الواقع ويسعى دائماً لمساعدتها منذ أن قابلها في مطعم البيتزا و علم أنها تعمل هناك في فترة المساء لم يخفى الدكتور فؤاد إعجابه بطالبة الطب النشيطة التي تدرس صباحاً وتعمل في المساء لمساعدة والدتها و قرر مساعدتها ليعرض عليها بعد فترة تلك الوظيفة سيدة مسنة تحتاج لمرضة مقيمة إنها فرصة خاصة أن احدي الممرضات ستكون مع السيدة في الصباح وستتولى هي أمر الفترة المسائية وستبيت أيضاً والعمل بالطبع أقل إرهاقاً من عمل المطعم وبالطبع المرتب كبير ولكنها كانت قلقة ربما لفكرة المبيت في منزل غرباء أو التعامل مع مريضة مسنة وتحمل مسؤوليتها وهي ما زالت في السنة الخامسة وعلى الرغم من تدريب الدكتور فؤاد لها على كل ما قد تحتاجه إلا أن القلق ظل يحوم حولها طوال الليل .

بعد أن أنتهت محاضراتها الأخيرة وجدت الدكتور فؤاد أمامها مبتسماً . كان الدكتور فؤاد في حوالي الخمسين من عمره وله وجه بشوش وشارب كثيف وقد عرف الشيب طريقه لشعر رأسه فأصبح خليطاً بين الأسود والأبيض وكان الدكتور فؤاد ومحبوباً لدى جميع الطلبة . إقترب منها وقال بصوت مرتفع : شكلك مانمتيش مش قولنا نبطل قلق

ردت ريم بهدوءها المعتاد : غصب عني يا دكتور والله
- طيب يلا اركبي العربية مش عايزيين نتأخر على الناس
ركبت ريم السيارة معه واتجهوا معاً لمقر عملها الجديد

إنطلقت السيارة بسرعة متوسطة تشق الزحام حتى وصلت للقصر وبمجرد أن رأت ريم المكان أحست بالرهبة حيث أن مشهد القصر الضخم القديم أعطاهم شعور بعدم الارتياح ولكنه سرعان ما تبدد مع مقابلة مديرة المنزل مدام أمينة كانت سيدة تبدو في العقد الرابع من العمر لها وجه بشوش سرعان ما استقبلتهما بإبتسامة بسيطة ووجهت حديثها للدكتور فؤاد قائلة :
عندي خبر حلو وخبر وحش يا دكتور

- اممم مش عارف يا مدام أمينة أفرح ولا أزعل بس وشك مطمئني
- إطمئن يا دكتور الخبر الوحش إن البيه الصغير سافر وعلشان كده بيعتذر انه مش حيقدر يقابلوكوا لكن الخبر الحلو هو بيقولك الموضوع مش محتاج مقابلة وهو واثق في إختيارك بالنسبة طبعاً للآنسة والآنسة الثانية اللي بتيجي الصبح

- كلام جميل اعرفك يا ستي بالدكتورة ريم
نظرت مدام امينة نحوى مبتسمة ومتعجبة في نفس الوقت وقالت للدكتور فؤاد وهي تمد يدها إلي بالسلام : دكتورة !!!!
- أيوه ريم دكتورة بس صغيرة شوية طالبة عندي في الكلية وهي بتشتغل وانا رشحتها للوظيفة دي

- أهلا بيكي يا دكتورة نورتيينا
نظرت إليها بابتسامة بسيطة وقلت : متشكره يا مدام أمينة
وعندها تابع الدكتور فؤاد حديثه : ريم حتبقى مسؤوله عن المدام في الفترة المسائية وحتبات معاها والصبح حابعت ممرضة من عندي في المستشفى لأن ريم بتكون في كليتها الصبح . ياترى المدام صاحبة نطلع عندها
- اه طبعاً اتفضلوا

بعدها همست مدام أمينة موجهه حديثها للدكتور فؤاد : معلش يا دكتور إنت مش شايف إن الدكتورة صغيره شويه يعني مش حيكون عندها خبرة في التمريض

- ماتقلقيش ريم دي أشطر طالبة عندي وأنا علمتها كل اللي حتحتاجله وهي أنسب شخص أنا شفته مناسب علشان البيات في حالة احتياج طارئ لا قدر الله

- إنت الأدرى طبعاً إتفضل
بعدها إتجه الجميع نحو الغرفة العلوية

الفصل الثاني المريضة الصامته

دخلت مدام أمينة إلى الغرفة وتبعتها أنا والدكتور فؤاد في تلك اللحظات كنت استرجع حديث الدكتور فؤاد عن تلك السيدة الحالة المرضية مسؤوليتي في الفترة القادمة لم تكن مسؤولية صعبه فالسيدة تعاني من شلل أقدامها عن الحركة وعن الكلام أيضاً منذ فترة ولكن تطور مرض السكر لديها كان داعياً لوجود متابعة طبية دائمة نظراً لمواعيد الحقن واحتياجها لتركيب المحاليل من وقت لآخر .

- إتفضل يا دكتور فؤاد قالت مدام أمينة تلك الجملة وهي تتجه نحو السيدة الصامته ربما لتلفت إنتباهها للقادمين وإقترب منها الدكتور فؤاد قائلاً - أخبارنا ايه النهارده لا أنا شايف على وشك تحسن كبير لم تبدي السيدة أي إستجابته لكلام الدكتور وعلى الرغم من رهبتي من هذا الوجه المتجهم إلا انني شعرت بالتعاطف معها حتى تحولت فجأة ونظرت نحوي لتأخذ ملامحها شكلاً آخر من الدهشة والغضب في نفس الوقت مما جعلني أشعر بالرغبة في الهروب من المكان لولا تدخل مدام أمينة لإنهاء رحلتنا القصيرة داخل الغرفة بلباقة

- خلاص يا دكتور دكتور ريم حنقيني معانا من بكرة إن شاء الله - على بركة الله قالها الدكتور فؤاد - إنتابنتي حالة من الغضب وأردت أن أصرخ في وجوههم لأبين لهم نظرة السيدة نحوي وأنها على ما يبدو غير راضية عن وجودي ولكن الدكتور فؤاد لم يعطيني فرصة وجذبني قبل أنطق خارج القصر وركبنا السيارة مسرعين.

قبل أن اتحدث واجهني الدكتور فؤاد بما أردت قوله - انا عارف يا ريم إنتي عايزة تقولي إيه وانا أخذت بالي جيهان هانم بصتلك إزاي لكن إنتي لو مكاني مش حتستغربي أنا بتابع حالة المريضة دي بقالي سنتين إنها جابها العيادة وكانت حالتها زي مانتي شايفها ومش بنتحسن ومعتقدش إنها حتتحسن حالتها صعبة وعمرها ما ضحكت ولا ابتسمت حتى لنكتة بايخة قلتها وماشفتيهاش كانت تبص للممرضات إزاي لدرجة إنهم كانوا بيخافوا منها بس هي معذورة مانكرش إنها بطبيعتها يبدو عليها إنها كانت شخصية قاسية حتى قبل ما تتعب لكن دلوقتي هي مجرد مريضة قعيدة حتى الكلام مش قادره تقوله فمتخيلش نظرة قاسية منها أو حتى غضب من حالتها قبل ما يكون منك يطفشك من الشغلانه ولا ايه

وافقت الدكتور فؤاد على رأيه وأقنعت نفسي بمحتواه وبدأت أرتب أشيائي للإنتقال للمنزل وممارسة عملي الجديد .

الفصل الثالث

منزل جديد

أخيراً إستطعت التخلص من الافكار السلبية برأسي وقمت بتجهيز ملابسي للإنتقال للقصر وكان الدكتور فؤاد لطيفاً معي كعادته وعرض أن يوصلني خاصة أنه أحس بفطانتته أنني قد نسيت العنوان وبالفعل كانت الساعة حوالي الرابعة عصراً عندما وصلنا للقصر ووجدت مدام أمينة في انتظارنا بإبتسامتها المعهودة وانصرف الدكتور فؤاد وأرشدتني مدام أمينة إلى غرفتي ثم قالت لي :- يلا وضبي هدومك وأنا مستنياكي تحت علشان نتغدى سوا

- حاضر بس أظمن على جيهان هانم الاول
- انتي مستعجلة على الشغل كده ليه جيهان هانم اتغدت ونامت دلوقتي كده كده حتبصي عليها على معاد الحقنه
ابتسمت لها وبعد ان قمت بتوضيب أشيائي نزلت لتناول الغداء معها

في الحديقة كانت تجلس مدام أمينة أمام طاولة صغيرة نظرت نحوي مبتسمه كعادتها وقالت : تعالي يا ريم اتفضلي
- متشكرة قوي بس مبدئياً اوعي تكوني عطلتي معاد غداكي علشانني
- ايه الكلام الخايب ده انا ما صدقت حد ياكل معايا ويفتح نفسي يلا كلي انتي مش ضيفة

تناولنا طعام الغداء وأثناء ذلك حككت لى مدام أمينه عن طبيعة المنزل والخدم فهناك الطباخ والسفرجي وخادمتان لتنظيف المنزل وأيضا بواب القصر وهي مديرة المنزل ومسؤولة عن جيهان هانم وتقوم بجميع طلباتها السيدة ذات طبع صعب هكذا أخبرها ابنها عندما استلمت العمل جاءت بعد أن هربت اثنتان قبلها أما هي لا ترى ذلك بالعكس تراها سيدة مريضة تشعر بالشفقة نحوها أما صاحب المنزل ابن السيده جيهان هو شاب ربما تعدى العقد الثالث بسنتين و هو لا يمكث في المنزل كثيرا دائم السفر وعند وجوده يخرج من الصباح الباكر للعمل وأحيانا يعود متأخرا تقدر مدام أمينه إهتمامه بتوفير متطلبات والدته وإصراره على وجود طاقم تريض بجانبها للعناية بها ولكنها تتحفظ على استضافته لبعض الحفلات لأصدقائه أحياناً مما يزعج والدته المريضة .

انتهى الطعام وانتهى الكلام وصعدت انا ومدام أمينة نحو غرفة السيدة جيهان وابتسمت ابتسامة بسيطة وانا اتجه نحوها كانت مستيقظة على السرير تنظر نحو النافذه في صمت قمت بالإطمئنان عليها وأعطيتها الأدوية اللازمة

- ماشاء الله عليك يا ريم ايدك شكلها خفيفة في الحقن باين على وش جيهان هانم قالت مدام أمينه الجملة ونظرت نحو جيهان هانم التي ابتسمت ابتسامة بسيطة

- طيب الحمد لله حضرتك تمام الضغط كويس ونسبة السكر تمام
- كويس قوي انا بقى حاجه لك الحمام قالتها مدام امينة وهي تنظر نحو جيهان هانم

- طيب انا ممكن اساعدك يا مدام امينة
- لأ قالتها مدام أمينة لأول مرة بدون ابتسامة سادت لحظة صمت كسرتها مدام أمينة بهدوء مرة أخرى : أصل جيهان هانم متعوده على كده انا بعملها كل حاجه كمان مش عايزة اتعبك تقدرني تتفضلي انتي دلوقتي يا ريم خرجت من الغرفة وعندي احساس كبير بالحرج ثم اتجهت لغرفتي ولم أخرج منها حتى حان موعد الدواء الآخر للسيدة جيهان .

مر اليوم الأول ببطء بين مكوثي أغلب الوقت بغرفتي وتناوبي على غرفة السيدة جيهان من وقت لآخر للإطمئنان عليها و إعطائها الدواء مع وجود نوع من التوتر أحسسته بيني وبين مدام أمينه عند الإقتراب من الغرفة والحقيقة أن السيدة لم تتركني لتساؤلاتي طويلاً فتلقيت منه دعوة لتناول طعام العشاء سوياً ثم بادرتني قائلة : بصي يا ريم ماتز عيش اني احتديت عليك لما عرضتي مساعدتي بخصوص مدام جيهان ظلت صامته أنظر إليها حيث أن هذا لم يكن تساؤلي الوحيد فيبدو أنها كانت لا تريد مني التواجد في غرفة السيدة ولم اكن اعرف كيف سأوجه لها السؤال

تابعت بهدوء : بصي يا ريم مدام جيهان مرضها ربنا يكون في عونها بيخلى نفسيتها وحشه أغلب الوقت وتقريبا مش بتقبل ان اي حد يساعدها في أمورها الشخصية غيري وحتى بتتعصب عليا كثير بس خلاص احنا اتعودنا على بعض فقلت تيجي مني احسن ما تحسي ده من ناحيتها كمان هي بتفضل تكون لوحدها اغلب الوقت علشان كده أفضل ليكي التواجد بس في مواعيد الدواء وتطمني عليها في الوقت ده
- ايوه بس

- بس ايه انتي حتدخلي ليها على الاقل ٥ مرات في فترة الليل هي متعوده على كده مع الممرضة بتاعة الصبح وياستي انا وانا معاها لو حسيت انها تعبانة أكيد حاقولك علطول

انتهي الحديث بكلامها وصمتي واتجهت لغرفتي لقضاء الليلة الاولى ظلمت أفكر في احداث اليوم وفي هذا القصر الكبير الذي يبدو كئيباً من الخارج والداخل أيضاً رغم الفرش الوثير كانت غرفتي بعيدة عن غرفة السيدة جيهان على عكس غرفة مدام أمينة كانت ملاصقة لها تماماً . لم يعجبني كلام مدام أمينة عن تحديد مواعيد دخولي لغرفة المريضة فقررت إستشارة الدكتور فؤاد في الصباح وحاولت ان أتوقف عن التفكير حتى أحظى بساعات نوم جيدة .

الفصل الرابع صباح جديد

استيقظت باكراً في اليوم التالي وبسرعه ارتديت ملابسني وغادرت القصر مسرعة ربما لانني لم ارغب في الاحتكاك بدمام امينه الا بعد ان اتحدث مع الدكتور فؤاد وبالفعل وجدني الدكتور فؤاد امامه باكراً قبل موعد المحاضره بوقت غير قليل

- خير يا ريم اللي جايبك بدري كده

- اصل بصراحه عايزه استشير حضرتك في حاجه

ابتسم الدكتور فؤاد وكأنه كان يتوقع حديثي وقال : طيب اقعدني خير؟؟
حكيت له بالتفصيل ماحدث بيني وبين مدام أمينه متبعة حديثي بالجملة الأهم : حضرتك هي كده بتتدخل في شغلي ودي مسؤوليه المريضة مسؤوله مني ولازم اكون جنبها اغلب الوقت ولا ايه؟؟

صمت الدكتور فؤاد قليلاً ثم نظر لي بإبتسامته المعهودة قائلاً : بصي يا ريم انا فاهم قصدك لكن مدام امينه هي اكثر واحده عارفه متطلبات مدام جيهان وهي فعلا بتحب تكون لوحدها اغلب الوقت وانا شايف ان كده اريحلك وجودك اهميته في الطوارئ لا قدر الله وطبعاً في متابعتها من وقت للثاني لكن مش بطريقه دائمة الحاله متستدعيش ريحي نفسك انا رشحتك للوظيفه لان دي طبيعتها وحتكون مريحه ليكي عشان تشوفي مذاكرتك ولا انتي عايزة تتعبي نفسك.

انتهى حديثي مع الدكتور فؤاد وانتهت المحاضرات وسلكت طريق العوده للقصر لبدء نوبة عمل جديدة قد تكون مريحة ولكن لا اعرف لماذا لا أشعر بالإرتياح

وجدت مدام أمينه تستقبلني بنظره غاضبه في بهو القصر تبعثها بإبتسامه سريعه وهي تقول : كده تنزلي من غير ما تصبحي عليا ولا حتى تفطري - أبدا انا ماكنش قصدي بس كنت مستعجله وشففت سوسن (ممرضة الفترة الصباحية) وانا خارجه فقلت مفيش احتياج ليا هي مكاني - انا بافطر بدري حوالي الساعة ٧ لو بتصحي بدري نفطر سوا ولو صحيتي متأخر عن كده حتلاقي فطارك جاهز في المكان بتاعنا ماينفعلش يا حبيبتي تنزلي من غير فطار - اصل انا متعوده على كده - لا دي عادة مش كويسه وجبة الفطار اهم وجبه شففتي انا باتكلم زي ماما صح

ابتسمت لها واحسست انها بذكاء تخلصت من شحنة التوتر بيننا وبالفعل تناولنا طعام الغذاء سويا وتناقشنا في امور عديدة ومارست عملي اليومي الخاص بالاعتناء بالسيدة جيهان ومر اليوم أبسط من اليوم السابق .

الفصل الخامس

ابن السيدة جيهان

مرت الأيام وبدأت اعتاد على عملي وسكني الجديد وكونت صداقه جيدة مع مدام أمينه وقلت حدث التوتر التي أصابنتي في البدايه وبدأت أعتاد المكان وكان اليوم يمر سريعاً بين التواجد في الجامعة في الصباح وممارسة عملي مع السيدة جيهان في المساء ووجدت في الحديقة بقعة منعزلة بجانب أرجوحه قديمة أصبحت مكاني المفضل فكنت أحبذ الجلوس فيها بعض الوقت في الهواء الطلق بل وامكث فيها للمذاكرة أحياناً .

كنت أشعر بوجودي داخل قصر كبير مع عدد قليل من الناس خصوصاً أن مدام أمينه الوحيدة التي كنت اتجاذب معها اطراف الحديث كانت تقضي وقتاً كبيراً مع السيدة جيهان للإعتناء بها فعلى الرغم من الطبع الصعب الخاص بالسيدة جيهان المتناقض مع شخصية مدام أمينه الودودة إلا انهما كانتا منسجمتان مع بعضهما وهذا جعل لمدام أمينه مكانه مهمه عند ابن السيدة جيهان كما تقول وعلى الرغم من إحساسي بالوحده والفراغ إلا أنني كنت سعيدة بهذا الوقت وكنت أحسن إستغلاله في متابعة دراستي التي

اهملتها قبل ذلك نتيجة ظروف العمل ومررت الأياملم يعكر صفوها
سوى بعض النظرات الناقمة من السيدة جيهان نحوي ولكنني بدأت أعتاد
عليها .

على فكره أستاذ أحمد ابن جيهان هانم رجع النهارده من السفر.....قالت
مدام امينه تلك الكلمات ونحن نتناول طعام الغداء ثم أكملت حديثها هو عايز
يشوفك عشان يطمئن على حالة والدته منك خصوصاً لما عرف إنك دكتور
هو منتظر في المكتب

أنهيت غدائي سريعاً واتجهت نحو غرفة المكتب لمقابلة سيد المنزل ولا
أدري لماذا كنت أشعر بالتوتر ربما لأنني تخيلته مثل والدته وتوقعت أنه
سيرمقني بنفذة نظرة الجمود
كان شاباً وسيماً تلحظ ذلك بسهولة بمجرد رؤيته يمتاز بشعر اسود وعينين
مميزتين لا يشبه والدته بتاتاً على الرغم من انها أيضاً ما زالت تحتفظ بقدر
من الجمال ولكنه كان مختلف ربما رمقني بنفس نظرة الدهشه التي رمقني
هي بها في أول مقابله ولكنها لم تكن نظرة غاضبه كنظرتها بدأت تحيتي
بالسلام فنظر لي مطولاً في صمت حتى انني وددت الخروج ثم قال :
إنفضلي يا

رددت بهدوء : ريم

فقال مبتسماً : انفضلي ياريم

جلست على الكرسي المواجه لمكتبه الضخم

- أخبار والدتي إيه يا دكتورة؟؟ مدام أمينه قالت لي إنك طالبة في كلية
الطب

- والدة حضرتك صحتها مستقرة الحمد لله

- هو ده اللي يهمني إن تكون حالتها مستقرة

قام من مكانه وجاء وجلس في المقعد المواجه لمقعدى جلس أمامي ونظر
نحوي وظل صامتاً لفترة أحسست لحظتها بالإرتباك وهممت لأغادر
المكان بسرعة وأنا أقول

- طيب انا حاستأذن حضرتك لازم أطلع لمدام جيهان علشان معاد الحقنه
- طبعاً إنفضلي

غادرت المكان وظل يتابعني بنظرته حتى غادرت الغرفة لم تكن ناقمة
كنظرات والدته ولكنها أربكتني وجعلتني أود الهروب من أمامه
سريعاً.....

الفصل الخامس

لقاء آخر

مر يومان على مقابلي معه لم أكن أراه في المنزل علمت من مدام أمينه أنه لا يمكث في المنزل كثيراً وأحياناً يخرج من الصباح الباكر ولا يعود إلا بعد منتصف الليل حتى جاء ذلك اليوم كنت جالسه في الحديقة في بقعتي المفضله ومعى كتاب أستذكر فيه بهدوء حتى وجدته فجأه أمامي وقفت بمجرد رؤيتي له أما هو فقد نظر الى كتابي مطولاً ثم قال - أنا قلت إنتي قاعده في الهدوء والجو الجميل ده ومعاكى قصه الأقيكي بتذاكري

- ابتسمت محاولة التخلص من التوتر العجيب الذي يصيبني عند رؤيته وقلت

- أنا بحب أذاكر في المكان ده هادي والجو حلو
- شوفي انا عايش هنا بقالي اد ايه وعمري ما شفت حلاوة المكان ده حتى المرحيحة القديمة اللي مابتمرجحش دي شكلها لذيذ
نظر نحوي مره أخرى في صمت ثم تابع

- ايه رأيك في البيت كئيب صح
- أبداً

- إنتى من إسكندرية يا ريم

- لا انا من القاهرة لكن كليتي هنا

- اه كنتى قاعده فين قبل كده أكيد في المدينة الجامعية
- فعلاً

- لا يبقى اكيد القصر هنا أفضل منها بس بيتهيألي هناك الصحبة أحلى
- انا مكنش تقريبا عندي وقت للصحبه لأنى كان ضايح بين الكلية والشغل

- نادراً لما الواحد يقابل بنت زيك بتدرس وبتشتغل برافو.....صمت قليلاً ثم تابع حديثه ظل يسألني عن عملي السابق وعن عائلتي وعلى الرغم انني كنت أجيبه بإقتضاب فلم اكن كثيرة الحديث بطبعي إلا أنه في خلال فترة وجيزة عرف عن عائلتي أمي والفتيات الصغار وسبب إصراري على العمل لمساعدة امي رفقا بحالها وإضطرارها للعمل ليلاً ونهاراً بعد فقدان الوالد إمتد الحديث بيننا أكثر من ساعة

- حتى تأخر الوقت وفضلت إنهاء الحوار قائلة : أنا لازم استئذن
 حضرتك علشان عندي كلية من بدري
 - إيه ده بتنامي بدري كده دي الساعة لسه ١١
 - امممممم بصحى بدري
 - ولا زهنتي من أسئلتني؟؟
 - أبداً
 - خلاص إتفضلي ممكن نتمشى سوا لغاية القصر انا كمان حاول أنام
 بدري

ابتسمت له واتجهنا سوياً نحو القصر ولاحظت نظرتة نحو شباك
 والدته ويبدو خيال أحدهم من وراء الستائر ويبدو أنها كانت مدام
 أمينة ويبدو انها كانت تراقبنا طوال الوقت

الفصل السادس بداية حب

مضت الأيام وأصبح هو رفيق الحديث بدلاً من مدام أمينة أصبح
 حديثنا لا ينقطع يومياً بجانب تلك الأرجوحة وأصبحت تلك الأوقات
 التي أمضيها معه أسعد اوقات اليوم بل انني كنت أنتظر المساء بلهفة
 حتى أتجه لأرجوحتي القديمة ومعني كتاب لا أنوي النظر فيه منتظرة
 قدومه. تحدثنا عن كل شيء إلا عن نفسه كان يسئلني عن عائلتي
 وأصدقائي عن عملي السابق عن طموحاتي وأحلامي أما هو فقلما
 كان يتحدث عن نفسه ربما عن عمله عن أصدقاءه الذي لا يتذكر
 أسماء بعضهم فعلمت أنهم ليسوا حقاً بإصدقاء حتى جاء يوم وجدته
 يقول لي : انتى تشبهي حد كنت اعرفه زمان بس في الشكل لكن
 الطبع النقيض

ظللت أنظر إليه صامته منتظرة بقيه حديثه فأكمل : هي كانت عايزة
 كثير من كل حاجه فلوس كثير حب كثير بس انتى مختلفه الفلوس
 عندك غاية مش وسيلة والحب مش عارف انتى ايه رأيك
 أحسست بالغضب وقد أحاطني من كل جانب عندما تحدث فيما يبدو
 عن حبيبته السابقه ولم أعرف هل هو غضب أم غيره ولكن الشعور
 بالإرتباك هو الذي طغي على كل شيء عندما تحدث عن الحب
 وظللت صامته فترة وظل هو صامتاً ينظر نحوي منتظراً للإجابة

عندها حاولت المتابعه بهدوء وقلت : الفلوس ممكن تكون كثير أو قليل لكن الحب لأ الحب قوة أو ضعف
نظر نحوي مبتسماً متسائلاً : وإنتي بالنسبة ليكي الحب قوة ولا ضعف

نظرت نحوه مجيبة في شجاعه و غضب : مش عارفه
فنظر نحوي في إصرار : ليه انتى محبتيش قبل كده فأجبتة : لا

فتابع : ولا بتحبي دلوقتي

فترة من الصمت عجز فيها لسانى عن الكلام ثم قلت بتحدى : لا لم أكن اعلم هل اتحداه ام اتحدى نفسي أم هو ذلك الغضب الذي تمكن منى عندما علمت اننى شبيهه بحبيبة قديمة ذلك الغضب الذي اقترب منى وقذف في وجهي الحقيقة التي علمتها بعد ذلك إنني أحبه

قررت بعدها الإبتعاد كنت أتحاشى النزول للحديقة وأترك المنزل في الصباح الباكر قبل إستيقاظه كنت أنظر لنفسي في المرآه لأرى حمقاء ستوقع نفسها في حب لا يناسبها لشخص إنجذب إليها ربما لأنها ذكرته بحبه الأول

وآثرت الإبتعاد وإعتبرته صاحب عمل أضطر لرؤيته ولو للحظات قليلة وأتحاشاه بقية اليوم والأمر بالطبع لن يكون صعباً فهو قليل الظهور وتواجهه في المنزل لا يتعدى ساعات قليلة

في البداية رأيته أكثر من مرة في الحديقة في بقعتنا المفضلة علمت أنه ينتظرنى وإختفيت داخل غرفتي كنت أرى غضبه وأستمع لخطواته القوية خارج باب غرفتي وكأنه ينبهني بمروره وعلى قدر ما كنت أرغب في رؤيته والحديث معه ولو لدقائق بسيطة على قدر ما قررت الإبتعاد فهذا ليس وقت الحب وليست بي قوة لهذا الحب

ومرت الليالي وإبتعد هو الآخر وظننت في البداية أن هذا الأمر سيريحني ولكن حدث العكس ظلت أبحث عنه في ظلام الليل من نافذة غرفتي عسى أن أجده بجانب أرجوحتنا المتهالكةسهرت لبعد منتصف الليل عسى أن أستمع لخطواتهأن أشعر بمروره أمام باب غرفتيأحسست بالحيرة واليأس والحماسة ووددت أن

يعود بس الزمن إلى الوراء حتى أرفض تلك الوظيفةليتني لم أراهوحاولت العودة بقوة لريم القديمة وشغلت نفسي بمحاضراتي وكتبي وشعرت بالراحة نوعاً ما حتى ظهر امامي مرة أخرى من العدم كان يقف بسيارته الفارهة أمام الجامعة رأيته رأني وتلاقت نظراتنا ظلت جامده مكاني أفكر هاهو يبحث عني ويشتاق لرؤيتي لست وحدي إذن فهو غارق في الحب مثلي وبين أفكاره ظل هو ينظر نحوي في صمت وغضب ليختفي بعدها منطلقاً بسيارته نحو الزحام وأنا أقف حائرة بين سعادة قلبي وغضب عقلي

الفصل السابع رحلة

لم يمر وقتاً كثيراً فمجرد عودتي للمنزل وجدته أمامي
-إزيك يا ريم مختفية ليه
- أبدأ حختفي أروح فين
- يعني مش بقيت أشوفك في الجنيونة زي كل يوم إنتي إتصايقتي من كلامي آخر مرة

كان يتحدث وكأنني لم أراه لتوي وكأنه لم يختفي هو الآخر كنت أشعر بالإرتباك ليس فقط من حديثه ولكن من نظراته نحوي كانت تشعرني بالسعادة والحيرة في آن واحد كنت أبحث داخل عقلي عن كلمات أستطيع بها الهروب من أمامه ولكن دون جدوي وفجأة إختلفت نبرة حديثه وأصبحت أكثر جدية وسألني قائلاً : إنتي يوم الجمعة الجاي موجودة ولا حتنزلي أجازة ؟؟

- موجودة خير
- أبدأ عايز أخذ والدتي الشاليه بتاعنا في الساحل علشان تغير جو وتقعده شوية قدام البحر وطبعاً لازم إنتي ومدام أمينه تكونوا معاها أنا مش حطمن عليها إلا وإنتي معاها يعني لا قدر الله أي طارئ
- بس هو إحنا في الشتاء
- وايه المشكله ده احلى جو جو البحر في الشتاء وبعدين الموضوع كله حنبات ليلة وحنرج خلاص اعلمي حسابك وانا بلغت مدام أمينه

قال ما قال وإنطلق بسيارته مسرعاً دون أن ينظر نحوي أو أن أجد فرصة للقبول أو الرفض

مر يومان لم نتقابل لم أراه حتى حان موعد السفر استيقظت مبكراً
كعادتي وكنت أود أن أعتذر عن السفر لولا تدخل مدام أمينة التي
أخبرتني عن السيدة جيهان وظروف مرضها التي جعلها حبيسة المنزل
وقد تكون تلك الرحلة فرصة جيدة لها للإستجمام وقد يتم إلغائها إذا
رفضت حيث أن السيد الصغير مصر على تواجدي معها وبدا لي أن
مدام أمينة سعيدة بتلك الرحلة أكثر من مدام جيهان وأنها تود الخروج
من هذا القصر الكئيب فلم أجد أمامي سوى القبول

نزلت لأجد مدام أمينة تساعد السائق في وضع بعض المستلزمات داخل
السيارة ولفت نظري وجود سيارتين الكبيرة يجلس فيها السائق واخري
أقل حجماً كان يجلس فيها ويتحدث في الهاتف توقف عن الحديث برهه
عندما رأني ثم أكمل حديثه ولم يعرني إنتباهاً في هذا الوقت إستدعت
مدام امينة السائق ليساعدها على نزول جيهان هانم حتى تتركب السيارة
وبالفعل بعد عدة دقائق إستقرت جيهان هانم داخل السيارة الكبيرة
وتوقعت أننا جميعاً سنركب نفس السيارة فلقد كانت سيارة رباعية كبيرة
وهممت لأتخذ مكاني داخل السيارة ولكن عندها ترجل من سيارته
وإتجه نحونا وهو يقول : صباح الخير ها جاهزين
فردت مدام أمينه : أيوه جاهزين
كانت ترد بسعادة بالغة ذكرتني بسعادة الأطفال بالرحلات والتنزه
نظر نحوي ونحوها ثم أكمل حديثه : طيب شعبان (ويقصد السائق)
إنت حتسوق العربية الكبيرة مع الهانم وأنا حسوق عربيتي بس حد
يركب معايا أنا حزهق من السواقة لوحدني
توجه بنظره داخل السيارة نحو مدام امينة ووالدته التي بدورها نظرت
نحوه نظره حانقة ثم أشاحت بوجهها في الإتجاه الآخرإبتسم بعدها
إبتسامه مآكره ونظر نحوي ثم قال : ها يا مدام امينة حتركبي معايا
نظرت نحوه مدام أمينة في دهشة قائلة : أرجوك أحمد بيه إغفيني إنت
بتسوق بسرعه قوي وأنا بخاف وبعدين خليني مع الهانم الكبيره
- خلاص ريم تركب معايا اكيد مش بتخافي من السواقة السريعة ولا
إيه يا دكتورة
- هو بس الأفضل إنني أكون مع مدام جيهان في العربية

- إنا طريقنا واحد وبعدين العربيات ماشية ورا بعضها يعني لا قدر الله إحتاجتلك في دقائق تكوني عندها
- خلاص يا ريم إركبي إنتي مع أستاذ أحمد قالتها لي مدام امينة وبالفعل بعد تردد إتجهت معه نحو السيارة كنت أشعر بالضيق وإنطلقت السيارة بنا ومرت فترة دون أن يتحدث أي منا ولا يقطع السكون سوى صوت الكاسيت على أحد الأغاني الكلاسيكية الهادئة التي لا تتناسب ربما مع السرعة الفائقة التي كانت تسير بها السيارة ووجدتنا إبتعدنا كثيرا عن السيارة الأخرى التي كانت تشق طريقها كالسلفاه بالمقارنه بالسيارة التي كنا نركبها كنت أنظر في المرآه من حين لآخر في محاولة للبحث عن السياره الاخرى التي إبتعدنا عنها كثيرا نظر نحوي قائلاً : عادي عم شعبان عارف الطريق أنا مش الدليل بتاعه
- اه أكيد منا عارفه
- طيب ليه قلقانه وكل شوية بتدوري عليهم
- أبداً أنا كنت بقول يعني نيقى قرييين منهم أحسن
- بلاش قلق والدتي مش تحتجأك
- صمت بعدها قليلا ثم نظر بي وهو يبتسم ثم قال : ولا إنتي قلقانه من حاجه ثانية

- لا عادي حاجه ثانية زي إيه
- يعني مش مرتاحه وإنتي راكبه معايا لوحذك مثلا أو خايفة
- لا أبدا عادي قلتها بإرتباك شعر هو به ويبدو أنه أسعده فتابع
- مش عارف آخر حديث بينا لما سألتك عن الحب حسيت إنك إتغيرتي
- سؤالي ضايقتك مش عايزة تتكلمي في حاجه زي كده معايا؟؟
- ظلمت صامته هربت مني الكلمات ولم أعرف ماذا أقول ظل ينظر نحوي ليس منتظراً للإجابة كان يبدو أنه مستمتعاً بحيرتي قررت أن أقطع عليه إستمتاعه نظرت نحوه وقلت في إصرار : أبدا حضرتك كان واضح إنك مكون رأي عن الموضوع ده بناء على تجربه قديمة
- نظر نحوي في دهشه وسعادة ربما لعودتي لساحة الحوار إبتسم وهو يقول :
- مش تجربه واحده تجارب وحياتك لكن إنتي صغيرة وكلامك من الكتب معندكيش تجارب فكرتك عن الحب أكيد رومانسية وفارس وحصان لكن الحقيقة مختلفة ساعة الجد الحصان يفضل يكون عربية آخر موديل ساعتها مش مهم يكون صاحبها فارس مش حنفرق اللي حيفرق الشقة كام متر والمرتب كام

- برده انا شايفة إن رأيك مبني على تجربته قديمة مش كل الناس زي بعضها والألويات بتفرق من شخص للثاني
- يعني أنا لو كنت فقير كنتي حبتيني
قالها وهو ينظر نحوي في غضب أما أنا فظللت صامته غاضبه أيضاً من تلك الحده وتلك الجملة التي لا يوجد لها معني سوى أنه يعلم أنني أحبه وأنه يتهمني بالطمع وبجبه لماله غضبت غضباً شديداً وددت ان اترك السيارة وأتركه وأترك المدينة كلها . مرت فترة صمت نظر بعدها نحوي قبل أن ينطق قلتها حتى أستريح تلك هي الجملة الوحيدة التي كانت ستريحني أو كما كنت اعتقد ذلك : انا محبتكش وإنك غني علشان أحبك وإنك فقير وظللنا بعدها صامتتين وشعرت أننا ربما نظل صامتتين إلي الابد .

الفصل الثامن

شاطيء

وصلنا مبكرين عن السيارة الاخري مرت حوالي نصف ساعة قبل أن تظهر ملامح السيارة الأخرى في الأفق . خرجت من السيارة كنت أود الإبتعاد عنه بأي طريقة ولم لا فاهو كل ما إقترب مني شبراً إبتعد أميالاً وكأنه يتعمد ذلك

وصلت السيارة الأخرى وساعدت مدام أمينة جيهان هانم للنزول و الجلوس داخل الكرسي الخاص بها هي وشعبان السائق واتجهنا جميعاً للداخل أما هو فلم يفعل شيئاً سوى الإنتظار والنظر نحونا ثم أرسل شعبان لإحضار طعام الغداء ثم إنطلق بسيارته لا أعلم إلى أين
كان الشاليه أقرب لفيللا صغيرة من دورين تحتوي على ثلاث غرف نوم وريسبشن واسع إستقرت مدام جيهان في غرفتها لتتال قسطاً من الراحة وأرشدتني مدام أمينة لغرفتي التي سأشاركها إياها في المبيت تلك الليلة وبالطبع كانت الغرفة الثالثة خاصة به هو مر الوقت وقامت مدام أمينة بتوضيب سريع للفيللا وأحضر شعبان السائق الطعام فتناولت جيهان هانم طعامها ثم دعنتي مدام أمينة لتتناول الطعام معاً أما هو فلم يظهر

.....وعلقت مدام أمينة على ذلك قائلة : غالباً أستاذ أحمد إحنا مش حنشوفه إلا بكرة الصبح وقال ايه جاي يفسح مامته طب كان قعد معاها ساعة حتى

نظرت نحوها ولكن لم أعلق فأكملت حديثها : تلاقيه حيسهر مع صحابه
للصبح أو يقابل واحده من صحباته اللي مبيخلصوش وحياتك ضحكت
مدام أمينة وظلت تتحدث عنه وعن سهراته وربما مغامراته العاطفية التي
يبدو أنها تغضب والدته ولا أدري لماذا ذكرت مدام أمينه هذا الحديث وما
سر إهتمامها بوجوده أم عدمه وشعرت أنها ربما تعرف شيئاً أو تقصد أن
توصل لي رسالة ما

كانت الساعة أقتربت من الثالثة ظهرا وكان الجو رائعا أحضرت مدام أمينة
كرسي مريح لحيهان هانم لتجلس على البحر وجلست معها وجلست معهم
قليلا ثم تركتهم وودت أن أمشي بجانب الشاطئ وحدي قليلا ... الحقيقة
أردت ان أبتعد مشيت ومشيت ثم جريت كنت أود الإبتعاد عن أي شئ
يخصه جلست وحدي عندما شعرت أنني إبتعدت بما فيه الكفاية ثم إستسلمت
للبياء .

كم انا حمقاء أن أستسلم لهذا الوهم وهذا الرجل هل يحبني بالطبع لا
إنني مجرد فتاه حمقاء صغيرة تمثل له تسلية في وقت الفراغ أنا المخطئة
هذا ليس طريقي لقد تركت هدفي وإستسلمت لوهم الحب هدفي ماهو
هدفي ؟ أود أن أصبح أشهر جراحة أود أن أملك المال الكافي لأريح أمي
من شقاء العمل وأحضر لإخوتي كل ما يتمنون وسأشتري منزل جديد نعم
سيكون بجانب البحر وبدأت أبني منزل من الرمال ليس كبيرا ولكن له
حديقة واسعة لتلعب بها الفتيات إخواني الصغار وغرفة نوم كبيرة لأمي نعم
وهنا سأنام أنا وتلك غرف الفتياتبدأت أحلم وأفكر في كل شئ
ماعدا هوولكن صورته ظلت تقفز أمام خيالي رغماً عني ومر الوقت ربما
ساعة أو أكثر لا أعلم كان الهدوء رائعا وصوت البحر أكثر روعة يعزف
سيمفونية حزينة داخل أذني كأنه يشعر بي وفجأه سمعت صوت مألوف
يقف ورائي يقول في هدوء : حلو البيت ده ده بيتك ؟
كان هو يقف ورائي مبتسما لا أدري كيف ظهر ومتى جاء نظرت له ملياً ثم
أجبت : أيوه تخيلت شكل بيتي

- امممم دي الجنينة ودي ايه بقه إشرحيلي
- دي الجنينة ودي أوضة ماما وأوضتي ودي أوض البنات إخواني
ودي الصالة وكده
- اه ده بيتك مع ماما وإخوانك ليه مش ناوية تتجوزي ولا ايه
- أنا مش بفكر في الموضوع ده

- كل البنات بتقول كده لغاية متقابل الحب أو حتى من غير حب طبيعي
حتتجوزي في يوم من الأيام
- ماذا يقول عن ماذا يتحدث هل يهزء بي
- لن اتكلم معه عن الحب لن يجرنني لهذا الحديث ليصدمني بعدها بجملته
أخري ظلت صامته جلس بجانبني وإقترب مني نظر نحوي ويبدو أنه لاحظ
الدموع داخل عيناى غضبت لأنه رآها علق قائلاً : كنتي بتعيطي ليه
- ماكنش بعيط ده من الهوا الجامد
- لا كنتي بتعيطي أنا السبب صح كنت سخييف معاكي الصبح
- حضرتك أنا مش عايز أتكلم في الموضوع ده
- حضرتي
- دكتور فؤاد مكلفني بشغل مع والدته حضرتك هي دي الحقيقة اللي
أفضل إنني ألتزم بيها
- ليه بتبعدي عني كل ما أقرب ليكي

تعجبت من قوله فأنا أبتعد نعم ولكن لست وحدي هو أيضاً يبتعد ويقترب
ولا أعلم ماذا يريد !!!!

ظلت صامته انظر للبحر هربت الكلمات مني ويبدو أنها هربت منه
أيضاً ولم لا فكلماته الجميلة غالباً ما تتبعها كلمات أخرى تهدم جمالها
وتمحيه وكأنه يتعمد ذلك
إقترب مني أكثر فهمت بالإبتعاد عنه فإقترب أكثر بثقة وجذبي من
ذراعي بقوة وفاجئني بقبلة قوية إنطلقت بعدها هاربه من المكان
إبتسامتي تسبق دموعي وسعادتي تحيط بغضبي .

الفصل التاسع بحبك

على الرغم من انه لم يرانا أحد أو يسمعنا إلا انني شعرت بالإرتباك
الشديد عندما سألتني مدام امينة عن سبب تأخيري خصوصاً مع الدهشة
الواضحة التي إنتابتها بعد ظهوره ومكوته معنا بقية اليوم ولكنها كانت
سعيدة مر الوقت بين صمتي وتعدي عدم النظر نحوه وهو أيضاً ظل
صامتاً ولكن نظراته لم تفارقني غير مبالياً بأحد سواء والدته أو مدام
أمينه .

كنا نجلس جميعاً عند البحر أوت والدته للفراش مبكراً وهمت مدام أمينة لمساعدتها وقررت أن أهرب أنا الأخرى فلم يبقى سوى أنا وهو وصوت الب+حر ولكن مدام أمينة إستوقفتني قائلة حتنامي ولا يا ريم دانا كنت خارج تاني بصراحة الجو حلو نظر هو نحوها مبتسما : لا أكيد حتناستيكي محدش بينام بدري كده الساعة ١٠

نظرت نحوها في إرتباك قائلة : أنا إفتكرتك حتنامي قلت أقوم بقه علشان نصحى بدري - لأ خليكى حاطلع مع مدام جيهان وحنزل بعد ما تنام أنا لسه عايزة أسهر

تركتنا مدام أمينة وظل هو ينظر نحوي صامتاً كنت مرتبكة وكان سعيداً قررت أن أتحدث كان يجب أن أتحدث ولكن ماذا أقول هل أؤنبه على تلك القبله أظهر غضبي أم أترك العمل أم أخبره انني أحبه ولولا حبه لكنت تركت هذا المكان على الفور إستجمعت شجاعتي وبادرت بالحديث وليس لدي أي فكرة عن محتوى حديثي : على فكرةولكن دموعي سبقت كلماتي أنقذني وقاطعني قائلاً : أولاً أنا آسف إتصرفت بتلقائية بس في لحظتها حسيت إن دي الطريقة الوحيدة اللي حاقدرو أعبر فيها عن مشاعريثانياً أنا حالعن نفسي في كل دقيقة علشان دموعك دي أرجوكي سامحيني

أصابني الإرتباك مرة أخرى وهربت مني الكلمات إقترب مني فهممت بالإبتعاد ولكنه أمسك بيدي وهمس قائلاً : يا ريم ليه بتبعدي عني انا عارف إنك بتحبيني ليه بتهربي - على فكرة ممكن حد يشوفنا قلتها بإرتباك وأنا أجذب يدي بعيداً عن يديه ولكنه أصر على الإقتراب أكثر وقال مبتسماً بصيغة التحدي : مايهمنيش

إقترب أكثر وأحسست أنه سيحاول تقبيلي مرة أخرى فتحدثت فوراً : على فكرة إحنا هنا في مصر مش في أوروبا قلتها ورجعت للخلف مبتعده عنه نظر مبتسماً وتابع : آسف بس قدامك بانسى نفسي وجايز

لأن الكلام في منه كان كويس وفي كان بايخ قويمعلش وأوعدك
مش حاعمل كده تاني إلا بعد الجواز
جواز قلتها وعلامات التعجب مسيطرة على ملامحي
ضحك وتابع : أيوه إنتي فاكراني بهظر ده حب جواز والله مش حاجه
ثانية أنا مانكرش إني بتاع الحاجات الثانية بس من بعد ما شفتك كل
حاجه إتغيرت مش عارف إزاي
أنا كنت شلت موضوع الحب والجواز ده من دماغي وحياتي لكن بعد ما
شفتك كل حاجه إتغيرت وكل الترتيبات شكلها كده حتختلف
قالها وهو يتنهد وينظر للبحر كمن ينظر نحو المجهول
إبتسم بعدها ونظر نحوي وتابع بثقة : أنا كلمة بحبك دي قلتها قبل كده
مرة واحده في حياتي وقررت مقولهاش تاني بس وشك البرئ ده
وعينيكي اللي لما ببصلهم بانسى الدنيا خلوني كسرت القاعده
بحبك.....

هممت لاتحدث ولكن لم تواتني الشجاعة للإعتراف بحبي مثلما فعل
وهو فهم ما يدور بخلدي وإبتسم بذكاء وقال لي في هدوء : انا مش
عايزك تقولي حاجه أنا واثق من حبك ليا

نظرت له متعجبه من ثقته أو ربما غروره ولكنه تابع بصدق

- الحب الحقيقي يا ريم مش كلمة ولا حتى كلام كثير الحب الحقيقي
بيتعرف من هنا وهنا قال ذلك وهو يشير لعيناي وعينييه وتابع :
دول ما بيكدبوشودلوقتي بقه عايزك بس تطلعي تنامي
ومتفكريش غير فيا توعديني قالها وهو ممسك بيدي حاولت أن
أسحبها ولكنه منعني وتابع مش حسيب إيدك إلا لما توعديني
نظرت بخجل وقلت : أوعدك

و إنطلقت هاربه نحو غرفتي وكان هناك من يراقبنا من شباك السيدة
العجوز على ما يبدو أنها كانت مرة أخرى مدام أمينه

الفصل العاشر

موعد

كانت رحلة العودة بالطبع أفضل كثيراً من رحلة الذهاب وعلى الرغم من أن سيارتنا كانت هي السلحفاه مر الوقت سريعاً.....

في البداية نظر نحوي مبتسماً : نمتي كويس ؟

- يعني

- طيب حلمتي بيا ولا لأ

نظرت نحوه وقد طغت على وجهي ابتسامه ودهشة في نفس الحين فتابع

بإصرار : إيه هو سؤال صعب كده اه ولا لأ

- مش عارفةمش فاكرة

- إيهقالها وأوقف السيارة فجأة وقال في إصرار : طيب أنا

مش حتحرك إلا لما تقولي الحقيقة ماهو مش معقول قولت لك بحبك

وبوستك ومتحلميش بيا مستحيل

- طيب خلاص حلمت ممكن تحرك العربية احنا واقفين في وسط

الطريق

إبتسم ورأيت في وجهه لذة الإنتصار وتابع حديثه : ماهو أنا كمان حلمت

بيكي بس دي مش أول مرة إنتي أصلاً من ساعة ما شفتك وإنتي بطلة

أحلامي

إبتسمت بخجل فهاهو منذ الأمس وهو يسمعني أجمل الكلمات وشعرت

بعدها بالخوف هل سيعود بكلمة جارحه لتهدم كل ما سبق أم سنمضي

معاً في طريق هذا الحب

وصلنا للمنزل متأخرين عن الباقي أحسست بالتوتر وأنا أترك السيارة

وشعر هو بما يدور في خلدي امسك يدي بقوة وقال لي : ماتفكريش في

حد و ميهمكيش حد بكرة نتقابل عالغدا ونتكلم مع بعض شوية في

حاجات مهمه لازم نناقشها خلاص ؟

- خلاص بكرة إن شاء الله

- أنا ورايا مشوار دلوقتي خالصه وبعدين أرجع حتوحشيني

إبتسمت بخجل وغادرت السيارة سريعاً متجهه إلى المنزل

كانت مدام امينه تنظر نحوي متفحصه وأنا أعطي العلاج لمدام جيهان

أربكتني نظراتها وشعرت أنها تعرف شيئاً ولكنني فضلت أن أتجنب

الحديث في هذا الموضوع ومضيت بقية اليوم أتحاشى الحديث معها وفي المساء رأيته من شباك النافذة كان يجلس في مكاننا المعهود علمت أنه ينتظرني كنت حائرة بين النزول لرؤيته أم المكوث في الغرفة خوفاً من نظرات مدام أمينه خرجت للبحث عنها فلمحتها تدخل غرفة جيهان هانم شعرت بالراحة وإنطلقت مسرعة نحو الحديقة أبتسم أحمد عندما وجدني أمامه إقترب مني ممسكا يداي قائلاً : إيه هو انا مش باوحشك ولا إيه أنا قلت حلاقيكي مستنياني

- انا بقالي نص ساعة ببص عليك من الشباك
- مانزلتيش ليه

- مش عارفه خايفة حد يعلق يقول حاجه مدام أمينه شكلها عارفه حاجه
- عارفه حاجه ده على أساس إننا متجوزين عرفي مثلا في إيه إنتي حنبي مراتي وملكة البيت ومام أمينه دي واحد شغالة عندك
- أنا مش بفكر كده
- عارف وانا مش عايزك تفكري في حد غيري انا بس فاهمه
يا ريم أنا من ساعة ما شفتك وانا مش شايف حد غيرك يا ريم أنتي رجعتيني أحمد اللي كان ضاع من زمان وماكنتش فاكر أنه حيرج
تاني

- طيب انا عارفه اللي رجع أحمد بس إيه اللي كان ضيعه
- مش مهم المهم انه رجع وانه بيحب وانه نفسه يغمض عينه ويفتحها يلاقي نفسه مع حبيبته في بيت الرمل على شط البحر
إقترب مني ممسكاً يدي وقبلها إبتسمت بخجل وسحبت يدي في لطف
نظر نحوي في غضب ولكن بإبتسامة صمت كثيراً وظل ينظر إلي
شعرت بالإرتباك أردت الهروب من نظرته ولكن أردت المكوث أيضاً
أخيراً جاءت كلماته : خلاص نتقابل بكرة أنا عايز اتكلم معاكي براحتنا
في أي مكان يعجبك ممكن؟؟

ممكن..... قلتها بدون تفكير فمنذ دخلت معه طريق هذا الحب لغيت تفكيري وأصبح المكان والزمان لا يتعلق سوى به وحده وإفترقنا على لقاء .

الفصل الحادي عشر
بين أفكاره وحبه

كنت أشعر بالخجل كطالبة الثانوي التي خرجت في الخفاء لمقابلة حبيبها
ولكن سعادتي طغت على تفكيري و اعطيت عقلي أجازة ليحتل قلبي مكانه
كان يجلس في ركن هادئ وحيداً مع فنجان من القهوة ينظر شاردًا نحو
البحر تبدلت ملامحه لرؤيتي وقفزت الإبتسامة لوجهه معبرةً عن حضوري
وقف وامسك بيدي همس قائلاً : تعالي ماتقعديش قربي جنبي وبصى
عالبحر كده

نظرت نحو البحر ثم نظرت نحوه في حيرة تعبر عن عدم فهمي لمغزى
جملته

إبتسم ونظر نحوي قائلاً : أنا أول مرة أحس بمعنى كلمة جزيرة في البحر
مفياهاش غيري أنا وحبيبتني مش عايز غير كده ومعالي إنتي بس يا ريم
نظرت نحوه ... لاحظ الدموع داخل عيناىأخرج منديلته ليمسح دموعي
متسائلاً عن سبب بكائي

قلتها بدون تفكير وعبرت عن مشاعري بطلاقة : عمري ما كنت متخيله
إني حعيش قصة حب كده عمري ما فكرت في الحب كنت راسمه خطة
لحياتي الحب ماكنش متواجد فيها بس دلوقتي أنا بحبك قوي ومش بفكر
غير فيك ومش عارفه أعمل إيه

- وأنا كمان بحبك قوي بس عارف حاعمل إيه

- حاتعمل ايه

- حتجوزك لازم تبقي مراتي حدي ليا معاد مع والدتك في أقرب
فرصة

- بسرعة كده

- أيوه مش حضيع وقت سعادتي معاليمعالي إنتي بس

- طيب حسنتى أسبوعين بس علشان إخواني بيمتحنوا دلوقتي ومش
عايز أشغلهم

- حبيبتني بتفكري في الكل قبل نفسك

قالها وهو ممسك بيدي ثم جلسنا لنطلب طعام الغذاء بدأت الحديث بسؤال
كان يجول بخاطري من وقت ليس بقليل : - أنا عندي سؤال

- إسئلي براحتك حقك

- هو إنت حتقول لمامتك إمتى مش حتاخذ رأيها

- مامتي قالها بدهشة وكأنه سؤال غريب إستدرك

دهشته وتابع بهدوء : أكيد طبعاً حابلغها مش حاعملها ليها مفاجئة

يعني

- مش قصدي بس إستغربت لما طلبت منى أفتح مامتي قبل ما تأخذ رأي والدتك الأول

- ياه علشان كده لا متقلقيش يا حبيبتي خالص أنا واثق إن رأيها حيسعدني

قال ذلك وظهرت إبتسامة خبيثة على وجهه لا أعلم هل بسبب كلمة حبيبتي التي وجهها لي وربما رأي أثرها في عيناى أم أن هناك شيئاً ما يخص والدته ربما لا أعلمه

الفصل الثاني عشر

فجوة

كانت الأفكار تعبت بعقلي ليصرخ قلبي منتفضاً طارداً كل الأفكار المقلقة بإسم الحب وكان هو يلاحقني بإتصالاته ربما لأكف عن التفكير في أي شئ سوى حبه فكنت أستيقظ على صوته في الصباح الباكر ونتقابل بعد الظهر لنتناول الغذاء معاً في مطعمنا المفضل ولا أراه بعدها سوى في المساء بعد إنتهاء عمله وكنت أحاول الهروب مراراً وتكراراً من نظرات مدام أمينه خوفاً من ذكر موضوع بشأنه أو ربما ذكر حقيقة لا أود سماعها وهربت أيضاً من لقاءاتي معه في الحديقة بجانب الأرجوحة القديمة التي شهدت بداية هذا العشق وشعر هو بذلك وإكتفى بحديث الهاتف مساءً هذا الحديث الطويل الذي كان يستمر لساعات رأيتها مضيئة في عتمة الليل .

حتى جاء مساء ووجدته يطلب منى أن أقابله في الحديقة لأمر هام وبالفعل إلتقينا مرة أخرى في بقعتنا المفضله وكان يبدو أن إشتياقنا إليها زاد مع مرور الأيام أمسك بيدي وهو يقول : وحشتيني

- إحنا كنا لسه مع بعض الظهر
- بس بقالنا كثير متقبلناش هناالمكان ده ليه سحر خاص
- فعلا عندك حق
- كمان عندي مفاجئة حلوة
- خير
- أنا بلغت والدتي يا ستي
- بجد إمتى وكان رأيها إيه

- قلت لك أنا كنت واثق إن رأيها حيريني
- غريبة
- ليه بتقولي كده
- أصل محستش باختلاف في معاملتها ليا إنت قلت ليها إمتى
- الصبح يعني محستيش باختلاف ولو حتى للأسوء
- لأ ليه بتقول كده
- عاديإنتي عارفه الأمهات بتغير بس مع مدام جيهان
- متركزيش . كمان ياستي قلت لمدام أمينه مع إن الموضوع
- ميخصهاش بس حببت أريحك
- بجد قتلها إيه
- قتلها إني بحبك وبموت فيكي وعايز أتجوزك النهارده قبل بكرة
- أنا بتكلم جد قتلها وقد علت الإبتسامة وجهي
- قتلها إني حاخطبك وإني بس منتظر تحددني معاد مع مامتكأظن
- كده انتي إرتحتي ومنتقليش من أي حد
- نظرت له بإبتسامه رضا فتابع ولكن بجدية أكثر
- ريم أنا مش عايزك لا تقلقي ولا تفكري في أي حاجه ولا في أي حد
- طول منا جنبك وكمان بعد الجواز إحنا حنسيب البيت ده انا حاشترني
- فيلا ثانية في مكان أحسن نبدأ فيها حياتنا مع بعض وحاسيب المكان
- هنال.....لوالدتي ومعها مدام أمينة بترعاها
- إيه!!!! قتلها وأنا مدهوشة وتبدل الرضا بالغضب وتابعت : حنسيب
- أمك لوحدهاليه إنت فاكر إن ده يرضيني
- هو أنا حاسيبها في الشارع يا ريم عندها بيتها وطلباتها مجابهه وعناية
- أكنها في مستشفى
- بس مش ده المهم بس كفاية إنك تطل عليها كل يوم تحسسها
- بإهتمامك كفاية بس تشوفها دي مريضة ومحتاجك جنبها أنا متخيلتش
- إنك حتعمل كده

لا أعلم هل هي قسوة مني أم حقيقة قذفتها في وجهه ولكن لأول مرة
 رأيت دموعه إقتربت منه على الفور : أحمد إنت بتعيط أنا أسفة بس
 مدام بتحبها كده ليه عايز تسيبها

صمت قليلاً وخيل لي أنه سرح في ماضي بعيد لا أعلم عنه شيئاً ويبدو
 أنه كان أليماً نظر نحوي بعدها وقال في نبرة خافته : عارفه يا ريم من

ساعة ما حبيتك وأنا شايف المشكلة دي فجوة كبيرة مش عارف
إمتى حتصغر

- فجوة!!!! فجوة إيه
- بحس يا ريم إنك وردة مغمضة لسه بتفتح وشايفة الدنيا بعينيها البريئة
بس وأنا جنبك شجرة قديمة السنين والزمن علموا فيها وغيروا فيها
كثير أنا كنت زيك زمان من عشر سنين بس في خلال العشر سنين
دول إتغيرت حاجات كثير قوي
- حاجات إيه كلامك ليه بيخوف
- لا أنا مش عايزك تخافي أنا في الأول حاولت أسيطر على نفسي
وابعد عنك بس ماقدرتش وبعدين قربت وقربت وكل ما بقرب بحس
إني بارجع أحمد بتاع زمان والفجوة بتقل بس لو بتحبيني مش شرط
تفهمني كل حاجه دلوقتي إستحملي تصرفاتي حتى لو مش عاجباكي
ممكّن؟
- ممكّن قلتها ولكن على مضمض
- ريم مش اللي بيحب بيستحمل حبيبه ممكّن تستحملي ده
- خلاص ممكّن

أمسك بيدي وطردت الأفكار و الهواجس من رأسي فأنا أحبه بل أعشق
تواجدي بقربه وتغاضيت عن كل ما يجول بخاطري لم أكن أعلم
بتلك اليد التي تعبت بأشيائي في الظلام وهذا الجسد الذي يراقبني الآن
ومن نافذة غرفتي

الفصل الثالث عشر مدام أمينة

بمجرد أن خرجت من غرفتي في الصباح وجدت مدام أمينه أمامي كان
الفرح يعلو ملامح وجهها وهي تقترب مني وتحتضنني :
مبروووووووك

- الله يبارك فيكي يا مدام أمينه
- إنتي وحشة يعني أحمد بيه هو اللي يقولي المفروض كنت أعرف
منك إنتي
- أنا أسفة بجد بس الموضوع حصل بسرعة وأنا حتى لسه مقولتش
لماما المفروض أقولها وأحدد معاد

- مستتية إيه
- أبدا إخواني بيمتحنوا و عارفه الموضوع ده حيشغلهم ففضلت أستنى لما يخلصوا إمتحانات
- يا حبيبتى عموما أنا فرحتك قوي بس قوليلي بقه هو فاتحك إمتى في الموضوع أكيد لما كنا في إسكندرية صح
- امممممم أيوهقلتها بخجل وأردت أن اهرب من هذا الحوار بقوة ولكنها تابعت بإصرار : قالك إنه بيحبك صح
- مدام أمينهاممممممممم
- كانت كلماتي مرتبكة وشعرت بالحرج الشديد لذكرها هذا الموضوع أردت أن أرفض الحوار بذوق ويبدو أنها فهمت مقصدي فقالت سريعا : أنا مش قصدي أكسفاك يا حبيبتى والله أنا بس فرحانه فرحانه قوي وعلى فكرة هو بيحبك قوي ده باين عليه

نظرت لها متعجبه كيف تتكلم عنه بكل تلك الثقة بل وتؤكد لي حبه تابعت بإبتسامتها المعهودة : ماتستهونيش بيا أنا صحيح ماتجوزتش لغاية دلوقتي والناس شايفنني مدام وأنا بقيت أطنش عادي لكن أعرف كويس إيه هو الحب وأستاذ احمد بقه أنا معاهم في البيت ده بقالي سنتين وشفت مغامراته والناس اللي كان بيعزمهم في البيت اللي محدش منهم هوب هنا من ساعة إنتي ما ظهرتي ده حتى ماكنش بيطبق يقعد في البيت لكن دلوقتي بقه الأمور إختلفت

إبتسمت بخجل وإستجمعت بعض الكلمات لقولها : متشكرة قوي يا مدام أمينه على شعورك الجميل ده أسفة قصدي يا

- لا مدام أمينه أنا بحب الإسم كده
- حاضر
- هممت بالخروج ولكنها أوقفنتي وإحتضننتني بقوة وقالت : النهارده بالليل أناحامل بقه تورته صغيرة علشان أعبرليكم عن فرحتي بالخبر الجميل ده بس إنتي بقه بلغي أستاذ أحمد على أنا حاتكسف أقوله ممكن ولا حتكسفيني
- يا خبر يا مدام أمينه بس مكانش في داعي تتعبي نفسك
- لا إزاي ده حاجه بسيطة قوي
- حاضر طبعا حابلغه
- خلاص يلا بقه علشان تلحقي محضراتك النهارده بالليل عندنا حفلة

هممت بالمغادرة ولكن نظرت نحوها مرة أخرى وقلت : مدام أمينه
أنا عايزة أشكرك
- حبيبتى قلت لك دي حاجه بسيطة
- لا على حاجه ثانية كمان
- خير
- أول مادخلت البيت ده كنت قلقانه وخايفه بس انتي بضحكتك وكلامك
معايا هونتي عليا اول ايامي هنا ومعاملتك الحلوة معايا إنتي طيبه
قوي يا مدام أمينه
قلتها واحتضنتها بعد ذلك لاحظت بعد التأثر على وجهها من كلماتي
ولكنها ما لبثت أن تخلصت منه سريعاً وقالت : خلاص يلا حتتأخري
على محاضراتك ومعادنا بالليل

الفصل الرابع عشر حقيقة

كنت أشعر بالتوتر كلما دخلت لغرفة جيهان هانم والدة أحمد ليس فقط
بسبب نظرتها القاسية التي طالما رمقتني بها منذ أن دخلت المنزل ولكن
أيضاً بعد أن أخبرها أحمد بقرار الزواج كنت حائرة أنتظر ردة فعل
منها ربما نظرة أو إبتسامة ولكن لا شئ وكان السيدة تعمدت أن
تتجاهلني أو تتجاهل الموضوع برمته وللمرة العاشرة ربما حاولت طرد
الأفكار الخبيثة من رأسي و ساعدتني على ذلك مدام أمينه فقد قلت من
مدة تواجدي في الغرفة في هذا اليوم بالذات ربما شعرت بقلقي أو
بغضبها لا أعلم

قضيت أغلب اليوم بغرفتي كنت أنتظر رجوع أحمد لنتذوق معاً حلوى
مدام أمينه التي وعدتني بإعدادها ولكن غلبني النعاس صحت وكانت
العاشرة مساءً ورأيت سيارته في فناء القصر ها قد جاء ولكن لماذا لم
يحادثني على الهاتف و مدام أمينه هل طرقت باب الغرفة هل كنت نائمة
لتلك الدرجة إرتديت ملابسني وخرجت لابحث عنه ولكن لم اجده ولم
أجد مدام أمينه ربما في غرفته طلبته على الهاتف ولكنه لم يجب رجعت
لغرفتي أتسائل ترى اين ذهب واين مدام أمينه لماذا لم تظهر من أجل

الإحتفال الذي حدثتني عنه لم أفكر كثيرا فقطع أفكاري طرق مزعج
على باب الغرفة

كانت مدام أمينه هي الطارق وكانت ملامح وجهها مزيجاً من الغضب
والجد والشر !!!! نعم كانت أول مرة أري تلك الملامح في وجهها بل
وأشعر بالخوف منهابدأت كلامها سريعاً : ريم تعالي
عايزاكي

- مدام أمينه في ايه خضتيني

- تعالي معايا

تركنتي وبدأت في السير وسرت ورائها وكلي حيرة حتى إتجهت لغرفة
جيهان هانم ودخلنا وأغلقت الباب

كانت الغرفة مظلمة لم يكن هناك سوي ضوء بسيط مسلط من احد
المصابيح الجانبية وكانت المرأة ممددة على الفراش إقتربت في فزع
ونظرت نحو ملامح وجهها لأتبين ماذا هناك ووجدتها جثة جثة هامدة
.....

اطلقت شهقة فزع وتوجهت بقولي لمدام أمينة : يا خبر إمتى حصل ده ؟
هي تعبت ؟ مندهتيش عليا ليه

قابلت كلماتي بصمت عجيب ولكن هول المفاجئة جعلني مستمرة في
الحديث ربما لنفسي : ممكن تكوني خبطتي لما كنت نائمة مستحيل أنا
اصلا نومي خفيف طيب أحمد أحمد هنا هو فين !!!؟ أحمد عرف
.....مدام أمينة ساكته ليه مبترديش عليا ليه

كانت نظراتها قوية وصمتها قوي تحدثت بعد ذلك بنبرة متهكمة موجهه
وهي تنتظر نحوي ولكن موجهه حديثها لشخص آخر كان يجلس في
ركن مظلم داخل الغرفة : رد عليها إنت يا أستاذ أحمد

- أحمد قلتها في تعجب وأنا أبحث عنه في ظلام الغرفة ظهر من العدم
أمسك بيدي المرتجفة وهو يقولريم

كانت يداه بارده كالثلج وكانت في عينيه نظرة تعبر عن غضب شديد

نظر نحو مدام أمينه في غضب شديد وقال بنبرة قوية : خرجي ريم من الموضوع يا أمينه ريم مالهاش علاقة بالموضوع ده

- هاهاهاهاهاهاهاضحكت مدام أمينة بغل شديد كنت أشعر أنني أمام امرأة أخرى لا أعرفها تابعت بثقة وهي تنظر نحوه في تحدي : ريم هي أساس الموضوع تقدر تقول كده هي الجوكر اكسب كل حاجه أو أخسر كل حاجه نظرت نحوي وتابعت : معلش يا ريم nothing personal يا حبيبتى بس ظروف بقه ها يا أحمد بيه حتقول ولا أقول انا

نظر نحوها في غضب شعرت أنه سيقتلها : لو اذتيها حقتك مش بهدد حتموتي على إيدي

- هاهاهاهاهاهاها دوت ضحكاتها في المكان مره أخرى وقالت : ده لو لحقت أساساً إنت حتصلهاهمممممممم ها حتقولها ولا أقول خلاص أقول أنا

كانت تنظر نحوه في تحدي وثقة أيضاً ووجهت الحديث لي ولكن ظلت نظراتها متجهه لأحمد : البيه اللي بيحبك وناوي يدخلك دنيا معاه لو مسمعش الكلام ولين دماغه حتدخلي السجن وغالبا حبل المشنقة حيتلف حوالين رقبتك وبرده هو معاكي

شعرت أن الجدران تتحرك والأرض تدور من تحت قدمي كدت أهوى على الأرض إنتابني الفزع والعجب نظرت نحوي في إستهزاء وكأنها تعمدت عدم ظهور أي جزء من الشفقة او التأثر نحوي

- اه نقول كمان نبدأ من الأول دكتورة ريم أعرفك على العائلة الكريمة أستاذ أحمد صاحب القصر واللي أنا باشتغل عندهمدام جيهانمراته

الفصل الخامس عشر إعتراف

إنه الظلام..... ظلام حالك..... بل نور..... لا إنها الحقيقة
..... أم أن هذا مجرد خيال..... بل حلم..... لا إنه كابوس مزعج
..... ولكنه الواقع

كان يجلس في ركن الغرفة مرتمياً على أحد المقاعد يخفي وجهه بين كفية
في خجل أو حسرة ربما وهي..... هي تقف بزوها في ساحة
الإنصار تنظر نحوه في تحدي أما أنا فشعرت أنني البطلة والكومبارس في
نفس الوقت
صاحبة الدور المحوري في خطتها أو خطته ربما.....
ولكن بدون أي قرار مفعول به وليس فاعل

تحجرت الدموع في عيني لم أستطع أن أدرف دمعته واحده كان الذهول هو
الحضور الصارخ على وجهي كنت أنظر نحوه وبداخلي مشاعر متضاربه
من الحيرة والغضب

نظر نحوي أخيراً كانت عيناه غارقة في الدموع تقدم نحوي وأمسك
بذراعي ولكنني نهزته في عنف : إبعد عني.....ليه..... ليه كده

وربما كانت تلك الكلمات التي سبقت إنفجاري في البكاء وإنهمال الدموع
المحتبسة في عيني.....
أما هو فتوجه بنظره نحو مدام أمينة متوعداً :- انا حادفكك ثمن اللي عملتية
ده غالي

- بص بقه أنا خلقي ضيق إنت مش في موقف قوة أصلا علشان
تهددني قالتها في عنف شديد وكانت نظرات الشر تطل من عينيها
علينا جميعا..... وتابعت ولكن بنبرة أكثر هدوءاً

- شوفوا بقه والقرار طبعاً في إيدك يا أحمد باشا حتمس الكلام الدكتور
حيجي وحيلاقي الست ودعت وهي أصلا كان عندها أمراض الدنيا
ومش حيشك في حاجه وشهادة الوفاة حنطلع والامور حتمشي عادي

لكن حتعاندا انا الحكاية عندي جاهزة والنيابة والبوليس عليهم الباقي بقهإنت عايز تتجوز حبيبة القلب والست طولت في المرض وللصبر حدود وكمان نطقت واعترفت للمساعدة الغلبانه والماضي كده ممكن يتفتح وينفضح ومحدث عارف السكة دي حتودينا على فين وهو تحليل صغير حيلاقوا بواقي دواء جميل قوي في جثة المرحومة اللي بالصدفة بقية علبنه موجودة في أوضة الدكتوراة وخذ بالك صحيح صعب تقنع القاضي إنت ليه قتلت أمك لكن الموضوع سيكون سهل قوي لما يعرفوا إنها مراتك ويعرفوا هي عملت فيك إيه وإنت عملت فيها إيه ولو قتلتها حتقتلها ليه

كان أحمد ينظر نحوها في غضب شديد لكنه كان كالمشلول يقف حائراً نظراً نحوها في ألم وإبتسم إبتسامه تتم عن السخرية والغضب في أن واحد ووجه حديثه لمدام أمينه وهو يقول : إنتي ذكية رتبتني كل حاجه وواضح كمان إنك فاهماني كويس وعارفه إن لو عليا كنت سبتك تعلمي وتقولي اللي عايزاه ولا كان حيهمني علشان كده ريم هي الجوكر عارفه إني مش حاسم إنها تتأذي أبداً بجد برافو.....

- لكن ريم من حقها تفهم بقه الحكاية ماهي كل حاجه بقت عالمكشوف أنا معرفش حكايتك بس دلوقتي لازم أقول الجزء اللي يخصنيقال تلك الكلمات وهو ينظر نحوها ثم إتجه لمقعده جلس في هدوء وركز نظره في الأرض وبدأ في السرد وهو يوجه الحديث لي

الفصل السادس عشر أحمد

منذ عشر سنواتهكذا بدأ أحمد قصته رجع بنا الزمن للوراء عشر سنوات

- كنت زيك يا ريم لسه بفتح عيني للدنيا وعلى الرغم من إني إتظلمت ومتعينتش في الكلية مع إني كنت من الاوائل لكن فرصة الشغل اللي جاتلي خلتنى نسيت كل دهشركة مقاولات كبيرة لأ وكمان

الإنسانه اللي حبيتها وكانت حتبقى شريكة حياتي إشتغلت معايا في نفس المكان

- مرتب كويس حيعوض أمي تعب السنين وعمرها اللي فنته علشان تربيني وتعلمني كويس بعد وفاة أبويا أبويا كان موظف حكومة معاشه كان عالقد وهي إشتغلت ليل ونهار كان كل هدفها تعلمني كويس علشان أشتغل شغلانه محترمه تعيشني كويس وماتحوجش لحد أبدأ

ويتابع أحمد : أنا ودينا مصدقناش نفسنا لما إقبلونا في نفس المكان لما عملنا مقابلة الشغل مع بعض في نفس الشركة متخيلناش إن إحنا حنشتغل فعلا مع بعض في نفس المكان أنا إتعينت في الشئون المالية وهي في السكرتارية ومظهرها ساعدها في دهدينا كانت من النوع اللي بيهتم بمظهره قوي ومرت الأيام مرتبي كان كويس قدرت منه أوفر علاج محترم لأمي لأنها كانت مريضة وكمان بدأت أحوش علشان أقدر أتجوز دينالغاية ما شفتها وشافتنيجيهان هانم صاحبة الشركة

كان احمد جالسا منهمكاً في عمله عندما جاءه الأستاذ عبد الحميد مديره في القسم : أحمد إحنا سهرانين النهارده عندنا شغل جامد في مناقصة كبيرة داخلها الشركة تمام

- تحت أمرك يا أستاذ عبد الحميدوبالفعل إنهمك أحمد في العمل مع زملاءه هاتفته دينا من منزلها : معقول يا حبيبي لسه في الشغل

- اه ورق المناقصة لازم يتقدم بكرة ودي مناقصة كبيرة قوي وكلنا شغالين

- اممممم احنا بقة الشغل اللايت السكرتارية

- مش قوي كده إنتي اللي بتكبري دماغك

- هههه فعلا مليش ثقل على الحوارات دي أنا أصلا بعد الجواز حسيب الشغل حيكون وقتي ليك وبس

- ده حيكون أحلى وقت في الدنيا بصي أنا لازم أقفل ورايا شغل كثير نقول سلام

- سلام

أستاذ أحمدأستاذ أحمدقالها عم عبد الصمد الساعي لأحمد
الذي شرد قليلاً بعد حديثه مع دينا

دينا حب أحمد الأول فمنذ رآها لم ترى عينيه امرأة غيرها وعلى الرغم من
الإختلاف الكبير في الطباع بينهما إلا أن حبها دخل قلبه من كل الأبواب
كانت دينا من أسرة ميسورة الحال ولكن طموحها كان لا حد له كانت تحدث
أحمد دائماً عن أمنيتها في العيش الرغيد تحلم بالفيلا والسيارة الحديثة
والسفر للخارج كان أحمد ينظر لها كطفلة المدللة التي لا تمل ولا تكل من
طلب الحلوى أما هو فقد كانت كل أمنيته منزل بسيط يجمعه بمن اختارها
قلبه

- أياه يا أستاذ أحمد اللي واخذ عقلك ...قالها الرجل البسيط وهو يبتسم
ويعطي أحمد فنجان القهوة
- اه فعلا سرحت شوية القهوة في وقتها يا عم عبد الصمد حاسس إن
تركيزي ضاع
- فنجان مطبوظ زي ماطلبت و يعدل الدماغ إتفضل
شرب أحمد قهوته و رجع لعمله مره أخري أوراق كثيرة وأرقام هائلة
وفجأة إكتشف شيئاً خطيراً كاد أن يقلب الدنيا رأساً على عقب

الفصل السابع عشر جيهان

- دي كانت أول مرة أشوفها فيها وأول مرة هي كمان تشوفني

هكذا بدأ أحمد حديثه وهو يروي مقابله الأولى مع جيهان هانم صاحبة
الشركة كانت امرأة على حسب وصف أحمد شارفت على بداية الخمسينات
عرف بعد ذلك أنهم يطلقون عليها لقب الطاووس ربما لإهتمامها الزائد
بإظهار مفاتها أو لطبقات المكياج التي تضعها على وجهها أملا في الظهور
بمظهر أصغر

- هو ده يا جيهان هانمقالها الأستاذ عبد الحميد وهو يقدم
أحمد لها وتابعالحق لازم يروح لصاحبه لولا الغلطة اللي
هو إكتشفها كان زمننا أخذنا المناقصة بالخسارة وخسرنا مبلغ يقطم
الظهر

كان أحمد قد إكتشف فرق غير طبيعي في الأسعار الذي أوصله في
النهاية لخطأ في الحسابات كاد أن يكبدهم خسارة فادحة و علمت
جيهان هانم بالموضوع وأرادت أن تقابل هذا الموظف كما أخبرت
أستاذ عبد الحميد

- بعدها إترقيت وأخذت كمان مكافئة وبقي شغلي أغلبه معاها (يكمل
أحمد).....مساعد ليهاإستشاري مدققش في الوصف
المرتب علي وحسيت إني قربت قوي من تحقيق كل أحلامي وحاقد
أجهز نفسي علشان ظاتجوز ديننا ده غير إني قدرت أوفر علاج مريح
لامي بدل بهدلة مستشفيات الحكومة والتأمين الصحي
.....لغاية ما في يوم كنا سهرانين في المكتب لشغل متأخر
علشان مشروع مهم .

- موضوع الحسابات والأرقام ده مجهد جداً أوقات بحس إني ضيعت
عمرى فيهقالتها وهي تتثائبفردت ذراعيها وأمالت
جسدها للوراء كمان ترغب في قيلولة بسيطة شعر أحمد بالإحراج
هم ينصرف وهو يقول

- انا أسف يا فندم طولت عليكى بس خلاص خلصنا عندئذك

- رايح فين إستنى نطلب أكل ناكل سوا وبعدين حاوصلك
- لا يا فندم ميصحش أنا حاروح عادي زي كل يوم
- يا سيدي انا عايزه أكل معاك تفتح نفسي بدل ما باكل كل يوم لوحدي
أبعدين إيه حضرتك ويا فندم قولي يا جيهان أنا سبور على فكرة بس
مش أي حدقالتها وهي تنظر نحوه في إعجاب شديد.

جيهان تلك المرأة اللعوب لم تستطع ان تخفي نظرات إعجابها بهذا الشاب
الموظف بشركتها الخاصة وقد كان أحمد يتمتع بقدر كبير من الوسامة
يجعل فتيات كثيرات من عمر الزهور يتمنون فقط الحديث إليه وكان هو
يعلم ذلك جيداً ولكنه ظل مخلصاً دائماً لدينا حبه الوحيد أما مدام جيهان فكان
يكذب أفكاره بخصوصها فالمرأة تقريبا ضعف عمره ولم يتصور عقله ما
كانت تفكر فيه .

- بس خد بالك هه
- اخد بالي من ايه
- منهاجيهان هانم قالها وقد بدأ يخفض صوته
- مش فاهم
- لما بتغدر لدغتها سم وخصوصا لو ز علتها
- وانا حاز عليها طول منا شايف شغلي خلاص تمام
- إنت أهبل ولا بتستهبل ولا إنت جديد ومش فاهم الليلة
- ايه ليلة ايه أنا بجد مش فاهم
- لما موظف زيك جيهان بتقربه منها كده الموضوع بيكون ملوش
- علاقه بالشغلإنت متعرفش حكايتها ولا ايه
- حكاية ايه فهمني وبطل كلام بالألغاز
- بيبقى الموضوع جواز يا معلم دي بتتجوز لها كل سنتين راجل انا
- بقالي ٥ سنين في الشركة وشفنتيلها عريسين
- ايه انا أول مرة أعرف الكلام ده
- يابني دي بيتتجوز وبعدها بسنه ولا إثنين تزهرق وتتجوز غيره وهكذا
- آخر واحد كان موظف معانا هنا زيك بالضبط

شرد أحمد قليلا وظهرت ملامح الإستياء على وجهه : أنا مليش دعوه بالحوارات دي شغلي وبس وبعدين أنا بحب دينا و غنت عارف

- بس جيهان مش عارفه خد بالك يا أحمد أنا حبيت أنصحك
- يعني أعمل ايه
- دور على شغل ثاني أقل واجب حتعمله معاك لما تعرف إنك غرقان
- في حب دينا ومش دريان بيها أصلا حتطردك شر طرده
- أنا لازم أقولهالازم تعرف إني مش بفكر في الموضوع خالص
- إستنى إعمل إحتياطك الأول
- إحتياط ايه وممكن يكون الست مش في دماغها حاجه أصلا
- قالها احمد وهو يفكر في تصرفات جيهان معه فبدى كلام مصطفى هو الاكثر منطقية

- لازم أقولها أنا دوغري طول عمري يا مصطفى مليش في الخبث ده سلام

وإتجه أحمد لمكتب جيهان دون الإستماع لصوت المصطفى الناصح
بالتأني قليلاً

- أحمد كويس إنك جيت كنت لسه حابعتك
- أنا كنت عايز أكلم حضرتك في موضوع كده
- أنا كمان كنت عايزاك في موضوع مهم
- خير
- قول إنت الأول
- لا ميصحش حضرتك الأول قالها أحمد وقد شعر بالراحه فقد
- أراد أن يتهرب من هذا الحديث كان لا يعلم كيف سيبدأ حديثه وكيف
- سيخبرها بأمر دينا
- برده حضرتك مصر تصعبها طيب شوف بقه أنا طول
- عمرى ست عمليه مبحش تضيع الوقت تتجوزني؟؟

الفصل الثامن عشر

لم يتوقع أحمد هذا ظل صامتاً وعلامات الدهشة على وجهه شعر أنه في
مأزق لا يعلم كيف سيخرج منه

- الصدمة باينة على وشك حاول تخبيها شوية
- هه آسف أصل
- عموماً فكر براحتك بس أنا متأكد إنك مش حترفض

نظر نحوها متعجباً من جرءتها وثقتها الزائدة هل تعتقد أنه يكن لها
المشاعر هل فعل شيئاً يوحى بذلك لا بالطبع لا هو يعلم أنه لم يفعل ذلك إذن
من أين لها بتلك الثقة هل صمته أوحى له بموافقته الضمنية على ما تريد
كانت الأفكار تتأرجح برأسه وتملكته الحيرة كيف سيخبرها برفضه

- أنا لما قلتك تفكر قصدي عادي خد وقتك مش شرط هنا يعني
- جيهان هانم أنا مش عارف أقول أنا آسف بجد

نظرت نحوه جيهان نظرة جدية ممتزجة بالغضب فقد شعرت من
بداية الحديث أنها ستسمع مالا يرضيها
نظر أحمد للأرض في خجل وتابع : جيهان هانم أنا آسف اذا كنت
إتصرفت تصرف خلى حضرتك فهمتيني غلط بسأنا أصلي
كنت جاي علشان أطلب سلفةعلشان
- همممممكمل قالتها بنبرة هادئة وجدية واضحة
شعر أحمد بالتوتر ولكنه قرر أن يكمل حديثه : أنا كنت جاي أطلب سلفة
علشان محتاج فلوس علشانحاخطب

ظلت نظراتها مرتكزة عليه في حزن إبتسمت بعدها بسخرية وهي تقول
: تخطب
- أنا ماجتتش ظروف إني أذكر الموضوع أنا أصلي مرتبط بزملة ليا
هنا من فترة وكنت ناوي أخطبها

شعر أحمد بالغباء هل كان يجب ذكر انها زميلة بالعمل وبنفس الشركة ربما
ستفقد عملها هي أيضاً ولكن رغم كل هذا أراحه ذكر الحقيقة فهذا هو
السبيل الوحيد للتخلص من هذا المأزق

- إطلع برهقالتها جيهان وهي تنظر نحوه في غضب شديد
ولم يلبث أن يقف مكانه للخروج أو الهروب ربما حتى قالتها مرة
أخرى بنبرة صارخةبقولك بره بره

- كانت أول مرة أشوف نظرة الغضب دي في عينيها الإبتسامة الجميلة
والحديث الهادي إختفوا تماما وإتحولت لإنسانه ثانيةخرجت
بسرعة حتى مافوتتش على مكتبي خرجت من الشركة خالص وأنا
عارف إني مش خارج المكان ده الثانييكمل أحمد وهو
ينظر إلى الجثة الهامدة مكانهكنت ساعتها ماتخيل إن ده أقصى
الخسائر وممكن كمان ترفد دينا ماكنتتش أعرف هي ناوية على إيه

وبعد أن خرج احمد من الشركة قرر أن يحدث دينا على الفور ويخبرها
بكل شئ وطلبها على الهاتف

- أحمد إزيك يا حبيبي خلصت شغل ولا لسه
- دينا لازم نتقابل حالا
- طيب إنزلي أنا في المكتب تحت
- لا لا أنا بره الشركة أصلا يلا مستنيكي في الكافيه اللي على الناصية
- طيب أنا لسه قدامي ساعتين
- إنزلي دلوقتي يا دينا إستئذني أو حتى إمشي وخلص
- قلفتني في إيه
- مش حينفع في التليفون مستنيكي

أنهى أحمد المكالمه وإتجه للكافيه طلب فنجاناً من القهوة فقد إحتل ألم الصداع رأسه وعقله وجلس يفكر في تصرفات جيهان منذ أن قابلها .

شعر بالغباء الشديد طالما كذب أفكاره بشأنها وفسر قربها منه كصدقة كان أحرق عندما تخيل أن قربها منه ربما لرغبتها في أخ أصغر . كان يلعن الشيطان الذي يعبث بأفكاره بخصوص تلك المرأة الطيبة ليكتشف في النهاية أن تلك الأفكار هي الحقيقة .

- إيه مش ممكن
- كانت تلك هي كلمات دينا بعد أن أخبرها أحمد بالقصة منذ قابل جيهان حتى عرض الزواج تابعت دينا في دهشة بالغة : وطلبت تتجوزك إيه ده هو في كده
- أنا لغاية دلوقتي مش مصدق شكلها ست مجنونة أصلاً
- مجنونة بحبك
- حب إيه هي اللي زي دي بتحب هي بس إتعودت تشتري كل حاجه بالفلوس نو عينها بيفكروا إن كل حاجه للبيع حتى البني آدم
- أنا مش أقدر أتصور اللي حصل ده
- ياريتني أعلنت إرتباطي بيكي من الأول إنتي اللي أجلتني الخطوبة
- قعدتي تقولي حوش وشبكة وعلشان ماما متتججش
- معلش أصلي مكنتش عارفه إن حد حيعاكسك
- إممممم بتهظري بقه قالها وهو ينظر نحوها في غضب

- متزعلش بس على فكرة اللي زي دي مكنش حيفرق معاها دبله في إيدك سواء حتى في اليمين أو الشمال
- عند حق أنا واضح إنني مش بفهم الناس كويس بفترض حسن النية دائماً
- للأسف اه لو كنت سمعت لشكوكك من ناحيتها جايز كان الوضع إختلف كنت حتى سبت الشغل قبل ما تصارحك بالوقاحه دي
- دينا إنتي لازم تسيبي الشغل
- عارفه بس عال أقل أستنى لغاية لما الأقي شغل ثاني
- يا بنتي ماهي ممكن ترفدك إنتي تستقيلي أحسن
- مش إنت قلت زميلتي وخلص هي متعرفش مين
- ماشي بس ممكن تعرف من حد هو مش سر في ناس عارفه
- ومش إعلان مش كل الناس عارفه وعموما مينفعش إحنا الإثنين
- نسيب الشغل كده إنت دور وأنا كمان وحسيب أول ما الأقي شغل ثاني
- ومتسبهوش دلوقتي ليه إزاي أصلاً حيجيلك نفس تشتغلي معاها
- أنا مليش شغل مباشر معاها وبصراحه يا احمد انا إتعودت على وجود قرش في إيدي ليا طلبات وإحتياجات مش حقد أنا في البيت وأدور ويا عالم هو الشغل سهل منّا عارف.... أنا غيرك مش شاطرة زيك
- خلاص.....أنا بس خايف عليكي
- متخافش قلتك أنا شغلي بسيط ومش بمضي على ورقة لا مهم ولا غير مهم وهي أصلاً ممكن متفتكر نيش هي طلعت غلها فيك إنت وخلص

نظر أحمد نحوها وهو يعلم انه لن يثنيها عن قرارها فالنقود بالنسبة لدينا ذات أهمية قصوى

وعلى الجانب الآخر تملك غضب جيهان منها وشعرت بالإهانه الشديدة وبالطبع الكل ملام سواها ولم تفكر سوى في شئ واحد.....أحمد

الفصل التاسع عشر

دينا

اللي حصل سد نفسي خلاني قعدت يومين قفلت موبايلي ومكنش ليا نفس
أكلم حد وخبيت على أمي علشان ما تزعلش (يكمل أحمد) وبعدين قررت
أتعامل رسمي وبطريقة عملية ورحت الشغل علشان أقدم الإستقاله رسمي
وهناك كانت مستنياني مفاجئة

- إنت فين يا بني موبايلك مقفول وحاولت أكلمك في بيتك ما بتردش
حتى دينا سألت عليها لقيتها خدت إجازة
- بجد خدت إجازة قالها أحمد وقد ظهرت علامات الفرح على وجهه
شاعراً بإقتناع دينا بحديثه
- أبوه بس جت النهارده

إبتسم احمد بسخرية وتابع : معلى خير يا مصطفى

- برده عملت اللي في دماغك
- خلاص بقه أصلاً هي طردتني وأنا جاي أقدم إستقالتي رسمي
واخلص بقه
- إنت متعرفش حاجه بقه
- أعرف إيه وضح مش فاهم
- أنا قاتلك إنها لدغتها سم
- مصطفى قول في ايه ؟؟؟ قالها أحمد وقد بدت علامات القلق على
وجهه
- جيهان مقدمه فيك بلاغ في القسم
- إيه إنت بتقول إيه
- هي اللي بتقول يا أحمد والكلام إنتشر في الشركة ناس تقول بسبب
لعب في الحسابات علشان تسرقها وتحط في جيبك وناس بتقول إنك
كنت بتسرب أسعار المشاريع للشركات المنافسة علشان تاخذ عمولة
ظهر غضب شديد على وجه أحمد وتابع بسخرية
- والله وكانت بتكسب المشاريع دي إزاي بقه أنا طالعلها كده
الموضوع زاد قوي عن حده
- إستنى بس بلاش تسرعك اللي بيعملك مشاكل ده

ولكن لم يستمع له أحمد وإتجه لمكتبها في غضب

إبتسم أحمد إبتسامة حزينه وأكمل : وبان عليا طبعا ومقدرتش أخبي على أمي..... كنت بشوف في عينيها الحسرة على اللي حصللي والحزن إنها مش قادرة تعمللي حاجة الفلوس اللي كنت محوشها علشان الجواز طارت مع مرور الأيام ودينا.....دينا.....وضحك بحزن مرة أخرى .

دينا برده ماسبتش الشغل كانت حجتها إنها مش لاقية شغل ثاني ومش معقول حتقعد في البيت وأنا نفسي مش عارف الأقي شغل وكانت الامور بيني وبينها مستقرة نوعاً ما لغاية ما في يوم كلمتني بالليل وكان صوتها متغير

- مالك يا دينا صوتك متغير
- لا عادي بس مجهدة شوية إنت أخبارك إيه
- لقبت شغل
- بجد طيب ليه مش قلتلي
- أبدأ أنا لسه مبدأتش
- فين
- حيكون فين..... مكتب صغير بيعمل حسابات بسيطة كده للمحلات الصغيرة
- إيه بقى بعد ماكنت بتشتغل في شركة من أكبر الشركات في مصر تشتغل في حنة مكتب تحت السلم
- وهو ده بمزاجي يا دينا ده بدل ما تشجعيني
- وحيدوك كام بقه أكيد ملاليم
- خلاص يا دينا مش عايز اتكلم في الموضوع ده أنا اللي فيا مكفيني
- إنت لازم تسافر بره أنا قلتلك كده
- أسافر فين وأمي اللي مالهاش غيري دي أسيبها لوحدها إزاي
- ماهو كده الحال واقف والشغل بتاعك ده ميفتحش بيت يا أحمد فكر فيا شوية
- يااااااه أنا اللي أفكر فيكي ده أنا مفكرتش غير فيكي يا دينا
- لو كنت فكرت فيا بجد كنت دورت على سفر علشان نقدر نتجوز
- انا مستعد اتجوزك من بكرة وإنتي عارفه
- ده كلام مينفعش في الواقع يا أحمد

- وإيه بقه اللي ينفع في الواقع في إيه يا دينا إنتي عايزة تقولي
حاجه باين قوي

صمتت دينا قليلا فكرت أن تنهي الحديث ولكن ما لبثت أن تابعت وقالت ...

- أنا أنا عندي مشكلة كبيرة في البيت يا أحمد ماما
بتضغط عليا و حججي خلصت وإنت ظروفاك بقت من صعب
لأصعب
- يااااااااااااه هو الموضوع كده بقه
- أحمد إسمعني
- مش حاسمك يا دينا أنا عارف اللي جاي ومش عايزة أسمعاه
- أحمد قدامنا فرصة بس لو تسافر بره الحال يبقى أحسن وساعتها
حأقول لماما و.....
- إنتي عارفة إني مقدرش أسافر إنتي المفروض أكثر واحدة فاهمه
الظروف لكن واضح إني كنت فاهمك غلط لا واضح إني كنت فاهم
الدنيا كلها غلط

وهكذا وبكل سهولة خرجت دينا من حياة أحمد أحمد الذي
رفض الإستماع إلى إسطوانه مشروخة ربما جهزتها دينا بعد
مشاهدتها لعدة أفلام درامية منذ الثمانينات عن العريس الجاهز
وضغوط العائلة ليهرب الحب من النافذة ويدخل المال من أوسع
الأبواب .

ومع مرور الأيام إتضح الحقائق أمام أحمد لتعود جيهان إلي
الصورة مجدداً وبقوة .

الفصل العشرون

كان ينظر نحو الجثة الممدة أمامه على الفراش وهو يبدأ في ذكر
الأحداث التالية . كان يسردها بتفاصيلها لا تعلم هل ما خرج من جوفه
رسم أمامه صورة للماضي الأليم ليظهر الحزن بقوة في عينيه أم أنه
إستراح للتخلص من هذا العبء .

- مرت الأيام شبه بعضها وعرفت بعد كده إن جيهان سلطت واحد من خدامينها اللي بالفلوس على دينا كان موظف معانا في الشركة زغل عينيا بالعربية الشيك والشقة الجاهزة والشغلانه الوهمية اللي مستنياه بره مصر ورسم أحلامها قدامها وبدأ يحققها ليها في الأول إتضايقت حسيت بالغدر والخيانة والعجز بس مع كده حسيت إنهم بجد كانوا يستاهلوا بعض وإن مثل الطيور على أشكالها تقع ده مش من فراغ أبداً هي إتجوزته علشان الماده والعيشة المريحة وهو إتجوزها علشان الفلوس برده ومساعدة جيهان ليه لدرجة إنها هي اللي شغلته بره في الخليج وبمرتب كبير

- وإتجوزت دينا وبسرعة قوي وسافرت وإختفت من حياتي ومن البلد كلها حاولت أشغل نفسي بالشغل مع إنه كان بسيط كان بيشغل ربع وقتي كمان مش نصهبعدت عن الناس وإنغلقت على نفسي وبقيت عايش ومش عايش بس حاولت أنسى لغاية لما أمي تعبت تعبت قوي جريت بيها على المستشفيات والدكاترة لكن للأسف ماقدرتش أوفرلها لا العلاج الكويس ولا المكان النظيف اللي تتعالج فيه ورجعنا تاني لبهذلة التأمين والعلاج الحكومي لغاية لما راحت هي كمانولقيت نفسي لوحدتيكل أحلامي إختفتأمي ماتت وهي زعلانه على حالي وحببتي بقت في حضن راجل ثانيماقدرتش ماكننش بفكر غير في جيهان واللي عملته فيا ودموعي منشفتش والإبتسامة مرجعتش لملامي غير لما قررت أنتقم منها أيوه قررت أنتقم

الإنتقام هذا الشعور الغريب باللذة الذي ينتاب الإنسان عندما يقرر أن يلحق الأذي بمن ظلمه يتصور أنه ربنا سيد السعادة المفقودة داخل حياته فيمشى بخطوات واثقة داخل درب الإنتقام ليتوه بين دروب الشر فينسى من يكون

وهكذا سيطر هوس الإنتقام على أحمد كانت جيهان هي الهدف المرتكز أمام عينيه فهي من وضعت أحلامه بين يديه ثم بعثرتها أمامه بدون شفقه ومرت أيام وليالٍ وهو يخطط ويدبر ويصقل فكرته حتى أصبحت حقيقة أمام عينيه ينقصها التنفيذ .

كان بالنسبه لها يوماً عادياً مثل باقي الأيام إتجهت جيهان لعملها ومارست انشطتها المعتادة كانت تنظر نحو كرسيه الخاوي التي طالما إعتادت رؤيته جالساً عليه وتشعر بالحزن هي لم تحب أحمد فقلبها لم يعتاد الحب ولكنها كانت تريده وطالما حققت ما تريد ولكنه وقف هذا الاحمق بطريقها فخرته ليخسر هو أيضاً في النهاية ومع ذلك كانت تتمنى رجوعه عودته ربما يستثني صوت العقل ويعرف أنها آمان المستقبل أو صوت القلب ويعود إليها مجروحاً بعد فقدان دينا ربما تعددت الأسباب في رأسها والهدف واحد شردت جيهان في بحر أفكارها حتى سمعت صوت مديرة مكتبها تخبرها بالمفاجئة التي طالما تمنتها وإنتظرتها : مدام جيهان أستاذ أحمد بره وعايز يقابلك

- مفاجئة مش كده هكذا بدأ أحمد حديثه
- هي مفاجئة بس يا ترى سعيدة ولا
- إنتي عايزاها إيه
- أكيد عايزاها سعيدة
- طب إزاي بعد كل اللي حصل تبقى سعيدة
- إنت تقدر تخليها سعيدة لو عايز
- هي مين قال ذلك وهو ينظر لها في خبث شديد
- إبتسمت وقد فهمت مقصده ثم تابعت : إتغيرت كثير مش إنت أحمد اللي أعرفه
- يعني للأفضل ولا للأسوء
- على حسب أحمد بتاع زمان جرحني معرفش بتاع دلوقتي
- بتاع دلوقتي فهم الدنيا على حقيقتها كان فاهمها غلط
- بمعنى ؟
- بمعنى إني قررت أحسبها بعقلي لأن قلبي إختار غلط لكن عقلي أكيد
- حيثار صح
- مش فاهمه
- إنتي سبأ وسألتييني تتجوزني صح ؟
- صح قالتها وقد تبدلت ملامحها نحو الجدية مترقبه قوله القادم
- وأنا ماقدرتش مشاعرك وجوابي كان قاسي
- ده حقيقي
- أولاً أنا أسف ثانياً أنا قررت أتجوزك يا جيهان

- قال جملته وإقترب منها ونظر نحوها نظرة قوية فإبتسمت بخبت وردت
 : طيب مين قالك إني حوافق دلوقتي
 - أنا واثق إنك حتوافقي
 - ياه للدرجة دي شايفني واقعه
 - اه وحتموتي عليا كمان وصدقيني أنا بعد ما بعدت وفكرت صح
 عرفت أنا عايز إيه
 - بس إنت قلت إن ده قرار عقلك يعني إنت متحبنيش
 - ولا إنتي بتحبينيبس هو في أصلا حاجه إسمها حب
 - لا مفيش حاجه إسمها حب
 - ها قلتي إيه أنا مستعد أتجوزك حالاً وننسى كل اللي فات موافقه
 صممت قليلاً ونظرت له في قوة كانت سعيدة بقربه منها وبنظرات عينيه
 المرتكزة عليها وفي لحظات إستسلمت لرغبتها كما إستسلم هو لإنتقامه :
 موافقه

الفصل الحادي والعشرون زواج

تم الزواج سريعاًفي غضون أيام ولم يكن هناك زفاف بالطبع كان
 أحمد شبه متأكداً من إستحالة ذلك فالمرأة لن تجعل من نفسها أضحوكة
 في فستان الزفاف وكما أنها ملت من إرتدائه ربمالم يكن يعلم أنها
 لم ترتديه ولو لمرة واحدة حتى في أول زفاف

كانت مدام أمينه تنظر له في عدم إكتراث تود أن تصرخ ملامحها
 لتخبره على إختصار الحكاية التي فيما يبدو أنها كانت بالنسبة لها
 مضيعة للوقت أما أنا فكنت أستمع إليها بعقلي وقلبي يصرخ عقلي
 ويرجوني أن أهرب من المكان فيرجوني قلبي أن أستمع فقط لصوته أن
 أنظر لعينه
 - ياريت تنجز يا أستاذ أحمد أنا معنديش خلق ووقت أسمع الحكاية
 الطويله العريضة دي إبقى إحكيها للدكتورة بعدين وإنت في القفص
 حيكون عندكم وقت كثير ماتقلقش

مكاسب عالية جداً هي وثقت فيا قوي كانت متخيله إن المرتب الكبير والمنصب الجامد أرضت بي طموحي وفوق طموحي كمان وعمرى ما حافكر لا في أذيتها ولا إني حتى أسيبها ده غير إن الأشخاص اللي من نوعية جيهان من كثر ما بيخططوا ويدبروا وينجحوا بيكون واثقين قوي في ذكاءهم مش بيتصوروا إن حد ممكن يضحك عليهم وبتفوتهم تفاصيل صغيرة جايز لو كانوا ركزوا فيها مكنش حد قدر يخدعهم قال جملته الاخيرة وهو ينظر بغضب نحو مدام أمينه كانه يود إخبارها إنه أصبح مثل جيهان وكانت هي مثله (المقصود أمينه) ثم تابع :

- وبعد ما وثقت إنها إطمنت ليا بدأت في تنفيذ خطتي رفدت مصطفى زميلي اللي كان حذرني منها أنا فاكرو يومها جيهان إستغربت قوي لأنه كان من صحابي وإتضايقت لإني عملت ده من نفسي من غير ماستشيرها

- هو إنت لما تقرر ترفد موظف مش المفروض تقولي
- لا مش كل حاجه صغيرة تعرفيها
- بس دي مش تفصييلة صغيرة
- ليه إيه اهميته يعني
- معانا بقاله أكثر من ٥ سنين ليه تمشيه فجأة كده
- لأنه حرامي
- إيه
- زي ما بقولك إكتشفت إنه بيدي شغل لشركة ثانية من الباطن وبيشتغلهم كمان ومن مكتبه في شركتنا
- إنت متأكد
- لا بتبلى عليه جيهان لو مش عاجباكي طريقتي أنا ممكن أسيب الشركة خاص قال ذلك وقد تبدلت ملامحه لغضب شديد جعلها تتراجع عن النقاش كله
- حبيبي إنت زعلت يغور هو وغيره أنت أهم حاجه عندي
- مش باين
- خلاص بقه أصله إتصل إشتكى وأنا إتفاجئت بالموضوع وإستغربت إنك مقلتش

- يعني بدل مارجع البيت ونقضى وقت ظريف مع بعض نتكلم عن مشاكل الشغل والأستاذ مصطفى
- عندك حق خلاص بقة بلاش تبوز بيبقى شكلك وحش
- إنتي عارفه أنا أد ايه في الشغل دوغري وقرارتي مش عشوائية
- خلاص قفل عالموضوع بص يا حبيبي دش دافي حيهدي أعصابك وحنسى النقاش كله

إبتسم لها بمكر كان يعلم ماذا تريد وكان يلبي رغباتها دائماً لتنسى كل مهم ولا تفكر سوى به أما هو فخرج مساءً أثناء نومها إبتعد حتى لا تسمع حديث الهاتف وبدأ حديثه : أيوه يا مصطفى

الفصل الثاني والعشرون نهاية جيهان

وهكذا رسم أحمد خطة إنتقامة بحرفية وكان مصطفى هو الطرف الآخر الذي إتفق معه لإنجاز خطته أما جيهان فقد وثقت في ذكائها وقدرتها على التحكم في من حولها إلى أبعد الحدود ولم تتخيل يوماً أن الشاب الصغير الذي إعتقدت أنها ملكته بمالها قد يفعل كل ما فعل ويكمل أحمد

- مصطفى صاحبي اللي نصحني بخصوصها في أول الحكاية هو نفسه اللي إعتمدت عليه علشان أنهي خطتي أنتقم منها وأخرج من السجن اللي عيشت نفسي معاها فيه عملت حكاية وطرده من الشركة بعد ما خونته وفتح مصطفى بعدها شركة ثانية بإسمه لكن رأس المال كان مالي أنا شاركته من الباطن وبدأنا نشتغل في الأول بهدوء كنت بمرر ليه شغل مقاولات من الباطن من العمليات الكبيرة وكنت بخلي الشركة تشيل الخسارة وأخلي المكسب لشركتي أنا بعدها كنت من خلال معرفتي بالأسعار للمشاريع والمناقصات اللي بندخلها كنت بدخل مصطفى بسعر أقل وأعمل دعم لشركته من خلال إسمي وتعاملاتي مع العملاء وبكده بدأت شركة جيهان تخسر مشروع ورا الثاني في الاول مخدمش بالها بس لما خسرت كذا مشروع كبير ورا بعض بدأت تتجنن ولما سألتني جاوبتها وبكل ثقة

- إيه ده دي عمرها ما حصلت وإيه الشركة دي اللي واخده كل شغلنا
- ايوه منا عارف بس متقلقيش في خاين في الشركة ومسييري حاعرفه
- اه ده بعد ما تخرب مالطة بقه والخابين ده بيعمل كده لمصلحة مين
- ما هو واضح ان سي مصطفى لما مشي كان سايب ليه عين وأكثر
كمان
- مصطفى !!!!
- ايوه الشركة دي بتاعة مصطفى
- وده جاب فلوس منين علشان يعمل شركة
- منا قلت ليكي كان بيعمل شغل لشركات من الباطن وبيطلع أسعرنا
بره عمولات بقه
- لا أكيد في حد بيساعده

شعر أحمد بالقلق وعلم أن جيهان لن تترك الموضوع يمر بسهولة وستسعى لمعرفة معلومات عن شركة مصطفى وقد تعلم شيئاً تابعت جيهان بعدها بغضب : لازم أرجع وأتابع كل حاجه بنفسي ثاني واضح إن في لخبطة كثيرقالتها وهي تنظر نحوه في لوم نظر نحوها في سخرية وتابع : دلوقتي مش عاجبك من سنة كانت شركتك التوب في السوق

- والله لما الشركة تكسب تبقى ناجح ولما تخسر تبقى فاشل
.....قالت ذلك وتركته غاضبه ضحك أحمد بسخرية بعد ذهابها
كان يعلم أن التوقيت لم يخنه وأنه عجل بضربته القاضية قبل فوات
الأوان .

- كنت عارف إن جيهان مش غبية وإنها حتاخذ بالها لو خسرت اكثر
من مشروع وعلشان كده كنت عامل حسابي دخلتها عمليتين كبار
وبالخسارهخسارة تقطم الوسط وزى زمان ما إكتشفت غلطة
وفرت عليها ملايين غلطت وبمزاجي وحرقت الأسعار وخسرتها
الملايين طبعا الموضوع ماكتشفتوش الا ساعة تنفيذ المشاريع

وفوجئت مع غلو سعر الخامات وتكاليف التنفيذ والأسعار القليلة
بتاعتنا إنها بتفقد بخسارة وخسارة كبيرة كمان وفي أقل من ٥ شهور
وضعها المالي بقة زي الزفت وماقدرتش تكمل تنفيذ مشاريعها
وخذوا عليها غرامات لغاية ما في الآخر أشهرت إفلاسها
.....وكانت المواجهه الأخيرة بيني وبينها

كانت ليلة ممطره وجلس أحمد في الفيلا يتابع أحد المباريات بينما كانت
جيهان في الشركة تلتقط الأنفاس الأخيره لعملها في محاولة لإنقاذ ما يمكن
إنقاذه دون جدوى وكان أحمد قد إبتعد جزئياً عن العمل في الفترة الأخيرة
بعد إتهامه لجيهان بالتدخل في إختصاصته وعدم ثقته في قدراته وإتهامها
له بالفشل .

دخلت المنزل وكانت في حاله يرثي لها كان وجهها شاحباً وعينيها
تستشيط غضباً خاصة بعد رؤيتها له وهو يجلس أمام التلفاز غير مبالي بما
يحدث لها بل كانت ملامح السعادة طاغية على وجهه
إتجهت للتلفاز أغلقتة ووقفت أمامه نظر لها بإستهزاء وهم بالمغادره ولكنها
أوقفته بلهجة أمره : إستنى

- خير
- مش خير مش خير أبداً أنا بسبب غبانك وتهورك خسرت كل
حاجه إفتكرت نفسك ذكي المدير العبقرى غرقنتى وضيعت فلوسى
- إنتى عصبية مش حارد عليكى
- مش حترد عليا مش حاترد عليا وإنت لىك حق ترد إنت السبب لو
كنت ناجح ولا مركز فى شغلك ماكنش ده حصل..... اللى
يسرقنى واللى بيطلع أسرارى بره وكمان أخطاء قاتله لكن أقول ايه
انا اللى غلطانه انا اللى عملتك اوعى تكون فاكرك انك ذكى ولا انك
بقيت مدير بمجهودك لولا انك عجبنتى واتجوزتك كان زمانك فى
مكانك الطبيعى انا اللى غبية

وقد ترك معصمها وإبتعد قليلا ولكنه عاد ونظر نحوها مرة أخرى
بإبتسامه وقال :

- وعلى فكرة أنا عالورق الرسمي غلبان محلتيش حاجه يعني مطرح
ما تحطي دي حطي دي وكان يشير لرأسها وقدميها

وهكذا إنتقلت جيهان من الثراء الفاحش للإفلاس كانت ممتلكاتها تباع
بالمزاد العلني أمام عينيها وسط نظرات الشماته من أحمد ظلت صامدة
وصامته صمتها الذي أقلق أحمد بالرغم من ترتيبه لجميع أوراقه وأخذ
جميع الإحتياطات إلا أنه كان يعلم أنها أفعى وستحفر وراءه وستبحث عن
غلطة غلطة واحده كافيته لتهدم كل ما بناه ولكن شكوكه ومخاوفه
لم تدم كثيراً فالأفعى لم تستطع الصمود طويلاً وسقطت وخارت قواها
فالصدمة كانت أقوى مما تحتمل

الفصل الثالث والعشرون

من هي أمينه

وهكذا كان أحمد يسرد أمامي نهاية قصته مع جيهان تتأرجح
المشاعر في قلبي بين الشفقة والغضب بين الحب والتردد وتختلف
التعبيرات في وجهه بين الندم والراحة بين الغضب والخجل
.....نظر نحوي في إستعطاف كان يتمنى أنطق أن
أقول شيئاً ألومه أو اسيه أي شئ أما أنا فظللت صامته
هربت الكلمات من لساني وتجمدت الأفكار داخل عقلي نظر نحوها
مره أخرى ربما كان يلقي نظرة الوداع الأخيرة لا تعلم هل حقاً
أشفق عليها أم شعر أخيراً بالراحة نظر ملياً لها ثم قال :

- نزيف حاد في المخ ده الكلام اللي قالهولي الدكتور
مستحتمتش الصدمة وجالها النزيف ده عمل لها الشلل اللي
إنتم شايفينه اللي إطور كمان بعد كده لأنها كانت تعبانه
بالسكر.... في الأول صعبت عليا ووديتها أحسن مستشفيات
ومقصرتش في علاجها معرفش إفتكرت أمي وقد إيه
كان نفسي أوفر ليها أفضل علاج ومقدرتش فجزء مني عالج
جيهان لإني حسيت مع أمي أد إيه أسوء شعور تبقى مريض
ومش طایل علاج وفي نفس الوقت جزء ثاني كان بيكرها
بيلعنها لأنها سبب إني مقدرتش أوفر علاج لأمي
..... إزدواجية صح قال ذلك وهو ينظر نحوي وعلى
وجهه إبتسامه ساخره ثم تابع :

- حالتها متحسنتش بس عالأقل بقت مستقرة ...كنت عايز
أسببها أحطها في أي دار مسنين وأخلص من المرحلة دي في
حياتي وأنساها وأعتبرها خدت جزاءها وأنا أخذت حقي لكن
كل ما كنت أبص في عينيها كنت أشوف غل ملوش حد
وإفتكرت تهديدها ليا قبل ما تتعب وإفتكرت كلام مصطفى
زمان عنها لما قال لي لدغتها سم وبدأت أفكر وأشك وأقلق لو
نطقت ممكن تعمل إيه وممكن تسلط عليا مين يحفر ورايا
القلق ركبني ولقيت إن الحل الوحيد اللي حيطنني إنها تفضل
قصاد عيني متشوفش غير اللي أنا أحدهم وأبقى عارف
حالتها أول بأول وسبتها على ذمتي حسيت وقتها إن دي
ورقة مكسب في أيدي ضد أي غدر منها وقررت أسبب
القاهرة وصفيت الشركة مع مصطفى وجيت على إسكندرية
مكان جديد محدش يعرفنا وفتحت شركة بإسم جديد وإشترت
القصر ده وتعمدت أجبيه قديم وكئيب معرفش جايز لإني
إكتشفت بعد كل اللي عملته برده مبقتش سعيد حتى لما شفت

نظرة الغيظ والغضب في عينها لما موظف الفندق إفتكرها
أمي وتعمدت بعد كده أقدمها للناس على إنها أمي علشان
تفتكر كل يوم إنها عمرها ماكانت ليا وإن مكانها الطبيعي
إنها في سن أمي وتعرف أد إيه هي كانت غبية وطماعة
.....بس برده مكنتش سعيد كنت بعرف دي ودي وإجيبهم
قدامها لغاية لما شفتك يا ريم شفتك وكل حاجة إختلفت

.....

نظرت نحوه في إهتمام ربما كنت أود الإستماع لكلمات العشق
لتنسيني الواقع وربما مدام أمينه التي كانت تجلس كالصقر تنتظر
الإنقضاض لتحصل على غنيمتهاأكمل أحمد

- ريم أنا لما شفتك مانكرش إن اول حاجه جذبتي ليكي الشبه
بينك وبين دينا وكنت ناوي أخليكي رقم في اللي أنا عرفتهم
وكنت عايز ده قوي لأنك شبهها لكن بعد ماعرفتك كل حاجه
إختلفت لقيتني بقربك بجد ولقيتني سعيد تاني وخفت وقررت
أبعد وأبعدك لكن ماقدرتش حبيتك بجد وحببت نفسي وأنا
جنبك نسيت الغل والطمع والفوس ورجعت تاني أفكر في
البيت الصغير اللي حيضمني أنا وإنتيحبيبتي
- على فكرة أنا معنديش وقت لدور الغرام اللي حتعيش فيه ده
مدام بتحبها قوي كده إمضي خلصها وخلصنيقالت ذلك
مدام أمينه وقد قامت من على مقعدها وإتجهت نحوهنظر
لها وقال :

- اه صحيح أمينه كنت باسئل نفسي دايماً ليه إستحملتني
جيهان ومطفشتيش زي اللي قبلك وليه هي كانت كويسه
معاكي وبأي حق تيجي تطالبيني أكتبلك أملاكي بيع وشراء
منين جاتلك الجراه تبتزيني كده وتورطي ريم لأنك عارفه إن

يخلف ولد ومعرفش يجيب غيري وجات جيهان وإشتغلت في الشركة ومخدش في إيدها وقت كان الفرق بينها وبينه أكثر من ٢٠ سنة بس هي كانت عايزه فلوسه وإتجوزها وأمي ماستحملتش وطلبت الطلاق ونفذلها طلب وبعد عننا وهي إستحوذت عليه كان مستني منها خلفه الولد

إبتسمت أمينة في سخرية وهي تتذكر الماضي البعيد وتابعت ومرت الأيام هو مستني الولد وهي بتخطط إزاي تسرقه

.....

الفصل الرابع والعشرون النهاية

وهكذا كان أحمد ينظر نحوها وملامح المفاجئة على وجهه وهي تتحدث بهدوء وثقة عن ماضيها مع جيهان :

- كنت في آخر سنة في كلية صيدلة لسه وردة بتفتح عالديا وعايشة حياة سعيدة مع أمي ست البيت الطيبة وأبويها الراجل العصامي اللي بنى نفسه من الصفر لغاية ما عمل الثروة اللي بنتسد عيها قصاد الزمن وغدره

الحاجة الوحيدة اللي كانت بتتغص الحياة المثالية دي رغبة أبويها الشديدة إنه يخلف ولد ومع السنين فقد الأمل ومخلفش غيري من أمي لغاية لما ظهرت جيهان كانت خبيثة قوي وفي فترة بسيطة قدرت تغير موقعها من موظفة صغيرة في الشركة لمرات صاحب الشركة امي ماستحملتش طلبت الطلاق وهو بعد واحنا بعدنا وإستفردت بيه جيهانكانت أقصى مخاوفنا إنه تجيبه الولد ويكون مش إبنه لإستحالة ده مع سنه ومرضه لكن هي عدت سقف توقعاتنا وبمراحل.....

وهكذا بدأت أمينه تقص ماضيها وكيف طار والدها فوراً عندما أعلمته بجيهان بحملها ليس ذلك فقط فبعد الشهر الخامس جاءت له بالبشرى فالطبيب اخبرها أن المولود ولد .

كان العجوز يطير فرحاً فما قد تحقق حلم السنوات الضائعة ها قد جاء ولي العهد الذي سيحمل إسمه ويدير عمله وهكذا غرق العجوز في أحلامه ولعبت جيهان على الوتر الحساس وأقنعتة أن الزمن غادر والزوجة السابقة وإبنتها لن تتركها ووليدها إذا ما تركها وحيدة والأجل غير معلوم !!!! وستبذل الأخرى الغالي والنفيس لإنكار نسب الطفل إنها حياة قاسية والمال سيعمي النفوس

- وفي أقل من شهر أبويا إقتنع بكلام جيهان و قرر يحميها هي وإبنة من غدر الزمن وغدري أنا وأمي كانت مسيطره عليه بطريقة غريبهوالنتيجة معروفة كتب ليها حقها هي وإبنها بيع وشراء علشان محدش يقدر يكلمها كتب حقها وزيادة حبتين كمان..... خدت الشركة كلها وإداني نصيبي في الشركة فلوس وكتبلي برده حقي بإسمي لما وزع بقية أملاكه وأراضيه عليناأنا ومراته وإبنةبعدها جيهان إتغيرت مع أبويا وكانت المفاجئة اللي وقعته وكسرتةجيهان مش حاملعمرها ما كانت حامل كله كان كذب حتى بطنها كانت كذب صناعيكله كان تزوير لعبة محبوكة علشان تاخذ كل حاجه بعد ماكتشفت إن الراجل صعب يخلف !!!!! أبويا راح فيها لما شافها بتتمتع بفلوسه وهو اللي سلمها ليها بإديه وأنا فضلت أتفرج عليها وهي عايشة في حقي ومالي ومش قادرة أعمل حاجه ومرت السنين كثير فكرت أقتلها بس ده مكنش حيرج حقي صبرت بس كنت براقبها متفرغة ليها حياتي حياتها وشغلي متابعتها جوازتها ومغامرتها لغاية لما ظهرت إنت في الأول كنت فاكراك زيك زي اللي قبلك لكن إنت جبت الجون ودوقتها نفس الكاس اللي دوقت أبويا منه كنت سعيدة بس برده حقي مرجعليش وكمان بعد أكثر وميأستش جيت وراكم إسكندرية مكنتش مخططة حاعمل ايه بس لما لقيتك بتدور على حد يرهاها قدمت وجيت كنت عايزة أقرب منها أشمت وأرجع فلوسيمكنتش عارفه حاعمل ايه بس أقنعتها إني بمساعدتها ممكن نرجع فلوسنا أشوف حد ينصب عليك أي حاجه وعلشان كده سكتت وإنت شفتني أحسن حد بياخد باله منهاجيهان مع الوقت كانت بدأت تنطق كلمات بسيطة مكنتش مفيدة في الاول لكن نفعت بعد ظهور ريم

وتتابع أمينة : وعرفت منها غن ريم شبه حبيبتك الاولى وحسيت بأمل لانني كنت مراقباك كويس وعارفه إن خطتي بقتلها وإبتزازك بعد ما ألبسك الحكاية ممكن متنجش لأنك حتعانده وانا وانت والقضية بقه وحلني لكن ريم ظهرت وشفنتك

بتبصلها إزاي وشففت حبها بيتولد جواك ريم هي الجوكر بتاعي وطبعا مكنش ينفع أتفق معاها عليك هي مش النوع ده وعلشان كده مكنش قدامي حل غير جر رجلها في الحكاية وكنت عارفه إنك حتخاف عليها ومش حتسمح ببهدلتها أبداً خصوصاً إنها مالهاش ذنب وإديني طلعت على حق إحمي حبيبتك وإمضي يا أحمد رجعلي حقي وإنقذ ريم وإنقذ نفسك معندكش إختيار .

نظر لها أحمد ملياً كانت قصتها مليئة بالمفاجئات فلم يتخيل يوماً أن من عينها للإعتناء بالعجوز كانت عيناً عليه تراقبه وتعد أنفاسه من أجل إسترداد الثروة

- خدي اللي إنتي عايزاه خدي كل حاجه قالها وكان صوته يوحى بالراحة وكأنه إرتاح من عبء ثقيل.....نظر نحوي كانت عيناه خليط بين الأمل والخوف بين السعادة والقلق.....خرجت أمينة وهي سعيدة تشعر بالإنصار وقالت مستنياك تحت الورق جاهز على إمضتلك ونسجل بعد كده .

كنت صامته جامدة في مكاني أفكر في كل ما سمعته وكل ما مررت به أحسست أن الغرفة تفوح رائحتها قتلاً وإنتقاماً ويكمن فيها الشر والطمع هممت لأخرج قام سريعاً وأمسك بي سحبنى من ذراعي قائلاً: ريم إستني

- لوسمحت بجد عايزة أخرج من هنا مش قادرة.....كان البكاء يغالب صوتي والدموع محتبسة في عيني ولكنه إقترب مني لمست يدها وجنتي ونظر لي نظرة قوية كانت نظرتة تسارع دقات قلبي وينتفض لها جسدي كنت ضعيفة كنت أضعف ما يكون أمامه قال لي بصوت رقيق : ريم أنا عارف إن اللي حصل صعب واللي عرفتيه أصعب بس يا ريم أنا بحبك بعشقتك ريم أنا لما عرفتك نسيت كل حاجه الطمع والخوف والقلق قررت أمحيها من حياتي مكنتش عايز غير حياة جديدة معاكي إنتي قللتك يا ريم معاكي خارج أحمد بتاع زمان.....ريم أنا قتلتك زمان دول ما بيكدبوش وأشار لعينييه وعيني تركته سريعاً متجهه لغرفتي والدموع تنهمر من عيني وأنا أقول : محتاجة أفكر لوحدي.....أرجوك

مر وقت طويل نفذ أحمد ما طلبته أمينه وجاء الطبيب وقام بتحرير شهادة الوفاة فلم يلحظ شيئاً غير طبيعي لم أخرج من غرفتي فكرت كثيراً وكان الامر مجهداً فالأفكار جامدة والعقل كاد أن ينفجر نظرت من النافذة ربما لألقي نظرة أخيرة على مكاننا الجميل ورأيت أنه كان جالساً أمام أرجوحتنا المتهالكة يبدو على وجهه الحزن الشديد وغادرت السعادة عيناه شعرت بالحزن من أجله كيف اتركه كيف أترك من أحب وهو في أشد الحاجة إلي يالني من حمقاء تحتكم لعقلها لتجرح الرجل الوحيد الذي عشقته ولن تعشق غيره

كان صباحاً مشمساً جاء بعد ليلة ممطرة حملت حقيبتني لأغادر كانت امينة جالسة في المكتب فيما يبدو لحساب أملاكها لم تراني ولن تراني أنا أو غيري فقد نالت ما إشتهت منذ سنين كان هو يقف في الحديقة وتقابلنا وإلتقت أعيننا نظر نحوي في حسرة نطق بإسمي همساً ولم يقل غيرها : ريم

كان الموقف أكبر مني تخطيته في محاولة للخروج أو للهروب أمسك بيدي كان توسلاً ووداعاً ولكن صامتاً اصعب ما يكون كانت ذكرياتي منذ رأيتهم تمر أمام عيني سحبت يدي وانطلقت مبتعده عنها متحاشية النظر نحوه لأهرب بعقلي وجسدي وربما اترك قلبي معه إلى الأبد

إلى الأبد لن أراه مرة أخرى وإلى الأبد لن أرى ضحكت عيناه ولا تلك الإبتسامه التي كانت من أجلي وحدي سأترك الرجل الوحيد الذي عشقته وإلى الأبد كان قراراً واحداً سيغير حياتي إلى الأبد وربما يكون أغبى قرار وربما يكون أحسن قرار هكذا حدثت نفسي

سحاً لك أيها العقل سحاً لكل الترتيبات والتعقيدات نعم ربما يكون أغبى قرار ولكنني سعيدة نظرت نحوه كان لا يزال وقفاً مكانه ربما ليلقي علي نظرة أخيرة قبل أن أختفي من حياته وكانت الدموع بحر ثائر داخل عيناه إبتسمت ودموعي تسبقني وقلت : بس توعدني أول مرتب تاخده لما تشتغل نحوشه علشان بيت الشط

هاهي إبتسامته رأيتها مرة اخري وانطلقت دموع السعادة من عينيه لتزيح عن طريقها دموع الفراق إنطلق نحوي وإحتضنني بشدة كان يقول : حبيبتني ومراتي وبنتي بحبك يا ريم بحبك

- بحبك قلتها وأنا أنظر نحوه وتابعت دول ودول ما بيكدبوش وأشرت لأعيننا

.....

أمسك بيدي لنخرج من المكان نظرنا نظرة أخيرة لميلاد حبنا وتركناه أغلقنا بوابة
القصر وراءنا وإنطلقنا لنبدأ سوياً عهداً جديداً ونظرات مدام أمينة ما زالت تراقبنا
ولكن بإبتسامة صادقها تحركها بقايا من بذور الطيبة فقط تحتاج لمن يرويها

تمت

مروة جمال

مروة جمال